



天下名家詩觀選目

卷之四

彭而述 河南

彭始奮 河南

彭始搏 河南

戴明說 直隸

李因篤 陝西

胡國柱 遼東

佟鳳彩 遼東

孫宗彝 江南

徐元文 江南

趙開雍 江南

郭士璟 陝西

丁象輝 河南

丁日乾 江南

張玉裁 江南

張玉書 江南

羅承祚 江南

何林 直隸

李呈祥 山東

杜濬 山東

李國璉 陝西

李化麟 陝西

李景麟 陝西

冒襄 江南

王廣心 江南

顧大申 江南

柯聶 浙江

許瑛 福建

嚴曾集 浙江

曹鼎望 直隸

劉佑 直隸

宮家壁 遼東

嵇永仁 江南

許承宣 江南

許承家 江南

劉懋贄 江南

劉胤祚 江南

徐倬 浙江

共參拾柒人總計詩

詩觀四卷目錄終

詩觀初集

東吳鄧漢儀孝威評選

雒城仲之琮蒼壁重輯

彭而述 子錢禹峯河南鄧州人

龍潭曲

三韓鐵馬蛇鱗甲關嶺南來雷電雪昆明海水滌天黑大家
奔出緬甸國王侯落魄失枝梧或降或走只須臾誓死倔強
惟老儒携妻抱子向天呼碧潭復洄深難測琉璃堆成蛟龍
室垂楊倒影走游魚一門大小入者七白日屍浮水不流骨
肉指爪相網繆日月慘黧天地暗野棠青火衰草畔蛛網游
絲纏舊壁破簷卑濕蟲浙瀝霜華缺月下鐘聲時見英魂結

隊行蒿里之曲可
以招魂復起

驃國詞

鷄蔓蠶豆蔓胡桃。鞋鞞腰被翡翠翹。一朝寒笳捲地來。鐵鎖不守石門開。妾身如蓬根。揮手別鄉縣。從關東去沅湘深。回首百濮何處見。吁嗟乎蘭滄江上國。殤哭佳人已過濁河曲。

豈惟滇南正
復言之墮淚

留別崔修菴

東郭歸化寺。青青松栢枝。諸公送我行。離筵載酒卮。南指蒼梧雲。飄渺天外垂。行行一萬里。山川實間之。絕巘通霄漢。巉石起熊羆。五溪春水沸。遙接牂牁嶺。表雖小康九。郡尚瘡痍。金河隔戰壘。帶甲滿滇池。戮力視公等。租稅疲子遺。我行

日以遠。分手良凄其。

社燕海上來。游子去何之。我來菑菑發。我去楊柳垂。把酒向同人。分袂卽天涯。桂林連象郡。荒服盡南陲。往者漢武帝。四路出王師。呂嘉不復反。旣駱罷旌旗。本朝收兩粵。幾經反覆。爲名王鎮番禺。日南盡健兒。遙知閭左空。征輸及荔枝。深覺撫字難。何日罷鐵衣。

具有民生之感。不僅交情
繼綫于此。見禹峯襟抱。

歸化寺歌

金馬山腰歸化寺。雲城咫尺連東北。崔嵬殿閣何年置。虬龍盤拏鬱松栢。朝霞掩映光玲瓏。簾牙詰曲茶花紅。回廊飛榭不知數。靈文樹未解。翻風石梯踏。蹙寒蒼竹僧敲木。魚狎豕鹿紫薇。豚豚玳瑁。偃梧桐。倒挂鸚鵡綠。憶管勝國成化時。金

仙此地。翔神基。山河已往。將軍去。今餘巖巖。炤歷屣。此地古
 來都。西域葱嶺。雪山相扼。塞蓮花。初產阿育王。風壤實接眾
 香國。十餘年來。鐵鏑鳴。鬪體化作沙。蟲聲李催郭多相繼起。
 陳餘張耳接踵生。雄心霸業徒灰滅。六詔山河亦崩裂。陸賈
 元通大夫璽。臨邛今建中。郎節往事滄桑不足論。花落木落
 幾。黃昏高車大纛。何處去。亭午荒山寺閉門。
 今昔興亡之
 故寫來歷歷

如掌所
 以可傳

關嶺歌

關嶺在何許。迺在普定之西南。萬山砢砢。最高處。猿獍號啼。
 鷓鴣愁倒退。長蛇死。猛虎哀牢。緬甸接夜郎。羅鬼花苗自君
 王。隔斷中原幾萬里。天產雲漢作壁壘。憶昔雍闓亂南中。虎

豹巖關。蟻蝨叢。丞相前後出師表。迺遣河東將。種關索為前
 導。嶺上一時失枝梧。鐵鎖金沙重開。昆明圖丞相。因成擒縱
 烈。益州振起富強業。至今蜀漢歷千年。山腰猶存馬跑泉。飛
 流濺沫萬頃碧。古樹陰森響霹靂。穹然山椒半畝宮。野老俎
 豆歲時同。孫曹霸業久漸滅。西川王氣亦銷歇。惟有此嶺長
 存。天地間將軍姓。字日月懸。
 矯悍兼以鬱蒼其叙
 關嶺本末特為詳悉

秋日灘江東龍隱寺讀磨崖元祐黨人碑

桂林城外灘江東。巖峒陰森藏古寺。青壁蜿蜒走雲霞。魚蟲
 剝落前朝字。萬木蕭疎一氣中。英魂高叫老蛟宮。手掃蒼苔
 撫積鐵。懸鉞垂露半磨滅。薜荔綠沈元祐人。雷雨陰垂皇宋
 碣。司馬君實來洛中。眉山伊水相率從。最後忽出黃豫章。細

尋惟遺米襄陽勁節高風不可見金縉社稷玄黃戰蔡家父
○說○得○好○臣○無○色○
子何披猖三百九人開生面當待石工彼何人朝堂不懼丞
相嗔至今嶺表蒼梧地想見諸臣瘴癘身
為黨人揚眉吐氣噴噴稱快

過洞庭

湖南四載客今識洞庭君岸黑鴉成壘沙明鷺悞羣蛟龍還
○尋○常○
割據草樹此平分九派滔滔去春生極浦雲
誰說洞庭濶今纔受一舟江豬迷舊窟地肺結新丘脉絡通
吳會風聲壯岳州適來不渡此如未向南遊
胸次開濶故落筆岸異

平越三丰觀

城內孤峯起高臺獨爾尊金丹那更有石髓至今存老樹猿
猴挂靈巖虎豹屯團團叢桂裏鼓角易黃昏
○蕭○騷○之○極○

藤峽懷古

聞道王開府威名著嶺南良家勞士馬蜚窟靖戈鏃佗尉纓
曾繫呂嘉首自函至今瘴癘地猶自識耕蠶
筆最老健

別嵩岑

我到君斯在胡為我獨行銷魂惟此日回首不勝情萬國勤
飛輓西邊正用兵秋風驕鐵馬想像渡瀘聲
全首逼杜結語更雄

鷄塲別石崑圃

送我牂牁道巖林載落暉天涯寧易別知已古云稀息蓋彌
荒微徵書下帝畿粵山一萬里獨有鷓鴣飛
落句遠甚
遲暮難為別相看更一卮他鄉芳草路瘴雨落花時楚國軍
書滿昆明羽檄馳可憐分手處邊月照羅施
春容大雅又是禹峯一格

沅州

兩度沅州路俱逢孟夏時。雕梁還乳燕，茂樹更呼鵬。越雋新開郡，并荆未罷師。五溪傳俎豆，獨有馬公祠。

黃平客居

萬山藏宿霧，古寺帶烟蘿。翡翠來深樹，獼猴飲碧波。蘆筒邀客醉，椎髻聽蠻歌。粳稻連檣至，貔貅意若何。

平溪衛訊故監軍

荒城當落日，下馬且徘徊。鼠向魚街過，狐從狗竇來。交游成隔代，邸第見青苔。徙倚蠻山內，笛聲何處來。

飛雲洞

古栢蹲山脚，奇峯觸面開。三山湧作柱，百牕結成胎。海若騰

雲至河圖，闢竇來幾經。秦亂後莫作，武陵猜。

一結最有味

資孔驛

到此黔中盡，山巔兩樹存。香杭裏廢寺，茅屋出孤村。人語華番雜，蟲聲遠近喧。如何馬太史，猶未識崑崙。

平彝衛

路入芳華縣，溪邊忽有村。環山簇石笋，拔地起松根。苗女鷄窠課，裸翁燕麥屯。喇麻罈內酒，何必讓金罇。

穩貼處見其光惟

永寧州

纔過鷄公背，還從象鼻行。雲根一寺出，石髓亂溪鳴。歲月金錢費，關河鐵馬情。似聞南詔使，廟笑欲休兵。

同意謀國者何可不知

大斧畫地正與玉關謝使

粵西送別劉宓城時奉使北歸

故人逢異國。幾醉越王臺。使節蛟龍繞。重陽風雨來。蘆花江
月吐。雁陣楚雲開。却羨梁園客。新從交趾回。
氣韻 沈雄

滇中送楊拙菴之秦

別離况復在天邊。異國關情倍可憐。歲月八千開蜀道。山河
百二紀秦川。溪橋飲馬催紅葉。野店停車問杜鵑。屈指征鞍
春色裏。人來多在雁歸前。
絕似岑嘉州送 嚴河南一首

別滇中僚友之官粵西

二月春風天地寬。詔書昨夜下長安。宦遊不謂邊城苦。遠別
其如知己難。孝武石鯨昆水動。日南銅柱海光寒。鷓鴣亭子
梅花驛。萬里征人馬上看。
禹峯晚年詩雖極 秀潤終帶英氣

寄衡州觀察胡君

雲南氣候古來偏。靡莫山河變幾田。戰壘荒城蒙段外。華風
邊月漢唐年。虎關舊扼巴黔險。蛇徑纔通楚粵天。萬里懷人
秋月下。衡陽可有雁書傳。
蒼然秀蔚而 步武井然

滇中奉別袁九叙中丞

碧雞山下聽鳴騶。節使今看過益州。路盡朱垠天北戶。國通
身毒水西流。建元戰伐番陽令。大夏勳名博望侯。聞說東南
金粟困。好憑甌脫上邊樓。

靖州別高將軍

靖州別高將軍。
時公移粵東 予移粵西
琥珀紅燈醉眼橫。兩年把臂靖州城。天涯樽酒畱書劍。海內
烽塵老弟兄。萬里旌旄憐此日。五溪風雨倍含情。東西咫尺

蒼梧水握手還期在此行。

極有氣魄
頓挫自老

自滇南移粵再過武岡與吳六吉太守話舊

黔中節鉞舊如何十四年中此再過風景不殊人更老江山

無恙亂偏多一時草昧餘行在往日雲臺感逝波異國金尊

明月夜相逢莫惜醉顏酡

此等詩比王孟
津更爲完渾

新寧竹亭王明府招飲

長干曲折一亭幽乍歇征輪載酒遊自笑頻年常負弩那知

垂老未封侯松門積雨青苔壯石壁盤渦白鷺浮極目關山

南楚盡漸看百粵入交州

結處覺萬里
山川在目

再登黃鶴樓

飛樓縹緲着江干霜髮登臨記往年隔岸春城來檻外亂帆

○四○語○確○貼○黃○鶴○樓○

斜日到樽前山連秦蜀開荆甸水下東南盡楚天回首滄桑

生感慨孫劉興廢幾茫然太白謂崔顥題詩在上頭遂爾
較筆應是才思稍拙耳如此首

豈不可歷
倒前人

關嶺懷古

天限滇黔設此關卓刀泉下水潺潺殘碑草沒斜陽外戰壘

雲深斷岸間後主乾坤留日角武侯功業盡征蠻可憐華夏

○獨○遠○三分土一去荆州竟不還

是子美詠懷
古蹟之遺

初到滇池

劍南風物值初秋萬里炎荒據上游水下蘭滄通大夏山連

葱嶺接姚州漢威遠播姑繒塞王爵新分响町侯况是白狼

新作頌銅標應過海西頭

壯麗
可誦

靖江廢邸同諸君秋集

無情最是此中山，閱盡王孫只等閒。
 尚有高臺堪命酒，兼逢勝侶一開顏。
 石鯨薜荔秋蟲出，玉甃梧桐野鳥還。
 莫向西風增感慨，漢家樓閣暮雲間。

通首從廢邸二字着想遂爾矯拔

黔陽送張龍涵之官宛城

黔陽送客倍思鄉，莫惜金尊倒夜郎。
 君去試看襄水上，東都將相半南陽。

筇竹寺

六詔彫殘舊戰場，青山無恙一松長。
 王孫老去仁祠在，頗耐興亡是夕陽。

徘徊欲絕

破門來自衡州共醉伏波山下

石舫飛去在何方，船下山僧舊草堂。
 今日蒼梧還對酒，可憐頭白漸如霜。

過鐵橋

鐵橋黑水舊知名，天險曾當百萬兵。
 試問臨邛持節客，當時何路入昏明。

開與此詩意旨甚合

右滇黔詩共選三十七首附刻禹峯燕楚詩集

古懷儂謠

薄命如驛騎，中宵淚沾臆。
 生女逢亂世，不如瘞荆棘。

蒼直却令

人哽咽

翠幃羅象牀，知是何方客。
 拭淚強作歡，欲飛無羽翮。

鄂渚謠

黃金犀毘白鼻騮。尚方錫予左侯家。天明未明散曉衙。豹褥象牀醉琵琶。百萬突騎引虎牙。西捲襄樊東黃麻。青閨嬌女○罪○狀○在○此○黃犢車○一○句○寧南受國厚恩而甘為跋扈大是可恨

潯陽謠

舳舻下九江。南兵此處降。捲甲彭蠡湖。棄馬匡山陽。老侯鼻息剛如縷。小侯腰膝已無主。鳳凰山上白額虎。琵琶洲上出穴鼠。虎耶鼠耶侯豈知耶。○形○容○甚○妙○每厭今之擬樂府者音節既譌而情性亦復槁滅禹峯以古貌發今情自是英雄不肯寄人籬下也

長沙雜咏

星沙古內城。不知何王築。翎甍如鐵石。膠漆貫其腹。中有殿

五楹直與雲霄轟。珠簾白玉階。翡翠映華燭。上已被漢晨寶。琚照嶽麓。賊騎捲江來。王孫共魚肉。紅顏不自保。儉生草間宿。一朝零落盡。深宮聞鬼哭。眼看睥睨平。化作千家屋。○不○成○少○陵○之○長○王○孫○足備

興亡掌故詩亦贊雅可伴漢魏

邯鄲行

乙未仲秋騎馬邯鄲呼女郎涂佐觴詢及知為江右名族以金變流徙如燕為兵子婦後兵子陣沒再傳乃至此噫傷已然頃年來吳楚閩粵如此類亦復不少予為挑燈記其事作邯鄲行噫獨悲一女子乎哉

八月廿三邯鄲城。秋風黃沙馬頭生。邯鄲有女南城裏。菡萏

欲吐朝霞明。依違向我欲有言。微見衣褶舊淚痕。郎當似屬

不得意。落葉滿庭坐黃昏。為問女郎年幾許。爺孃更是某鄉

土。如何流轉值此中。更向邯鄲學歌舞。幾番欲說且逡巡。羞

言聲不集
中藏稿

將姓字向人聞古來生女良足悲未詳本貫淚先垂吳頭楚
尾是妾鄉南昌故郡傳家郎父母生我年十六等身剛與阿
嫂長阿翁遠作嶺南客阿母深閨頭半白流蘇帳裏繡鴛凰
標梅未賦奠鴈闕將軍姓金名聲桓激變全由解豸冠公然
跋扈生割據欲將洪都抗長安洪都城內百萬家城頭半載
聞吹笳猶記北兵破城自旌陽觀裏屍如麻惟有紅顏真薄
命縱橫紫駝踏曉鏡曳紅拖綠無哭聲鼓角振入廬山磬將
軍掠我入毳屋手執乳酪傾一斛雙槳直入琵琶洲聞得長
官喜殺戮嬌身隨營渡秦淮戈船又向廣陵開明眸暗溼青
溜道蛾眉浪捲天津來燕市十月大風雪賤妾馬上聲哽咽
將軍言語類烏孫碧眼禿衿刀磨血對伊不敢念江鄉毳幕

魂猶落豫章穿針學刺平壤靴織手日作高麗裳雲中一旦
干戈起債帥乃是姜家子河東澤潞黑雲橫上谷漁陽築戰
壘長官奉命又出師手挽弧矢竟不歸阿兄賣妾狹斜巷倚
門忍作青樓姬去冬轉徙邯鄲道香閣日把雙蛾掃羣娣勸
飾梅花粧涼州口授是阿媪南商北賈織如梭三河更是老
兵多翡翠簾中春不住珊瑚枕畔淚成波葬愁埋憂無處所
於邑此情共誰語卧榻盡是行路人平明上馬何足數竭來
今日遇使君胡琴欲奏不敢聞倘得竊附紅拂去人間省得
蘇小墳此言未已潛潛泣華袿珠襦一時溼醞醪滿貯金叵
羅氣結魂消不能執君不見馮家小憐下鄴臺玉顏委地蘭
蕙摧又不見洛陽草迷銅駝日羊后忽從趙曜來我聞玉河

詩見刀集
卷之四
十
慎墨堂篋

今兩岸桃花李花結成片。不是越女便吳娃。銷沉粉黛又何
非慰之正傷之也
 限。又聞佳人出塞北。駢駒盡是傾城色。燒骨揚灰還戀土。爾
嗽。嗽。柳。柳。滿。堂。風。雨。
 輩死猶在中國。卽如邯鄲一片地。千年香粉雜烟霧。寶瑟
 履醉叢臺。金燈華燭歌玉樹。香魂鬼哭石麒麟。安知不是流
 落人。
自傳琵琶行不過叙潯陽老妓兼爲已遷謫志慨耳
 究無大關係也此篇備述離亂雜以哀情覺滿目愀
 然不勝銅駝
 金谷之感

因王鵬起思太原舊遊

墨綬他年客。翻然牽旅魂。石田餘戶口。羯鼓厭王孫。土蝕隋
 官瓦。花開李后村。沸騰天地滿。無處覓劉琨。
慷慨悲歌
 尤是有氣
 衛輝投張調鼎觀察
 聞爾蒼梧去。威名百粵尊。何期來薏苡。猶未奪崑崙。歲序孤

鴻鴈干戈老。夜猿十年炎嶺外。零涕對華軒。

才情氣格兼
 擅其長能不

今竟陵
 卷舌

磁州晤湛虛司馬公會爲兩廣總制

廿載鄴城路。征鞭十度過。故宮妖粉盡。舊壘戰魂多。歲月空
 三徑。山河老一簑。嶺南銅柱在。風雨暗嗟峩。
渾濶不肯作
 纖小語孟津

有其調
 無其格

衡藩舊邸酒南將軍

又是悲秋日。初筵動旅情。若能爲楚舞。何處得秦聲。翠羽當
 軒媚。紅粧耀甲明。興亡成底事。酒淚忽沾纓。

丙申除夕同袁察嵐李臨淮黃煥夫家弟昉聖守歲

四時成過客。此夕倍難留。屈指衡陽路。十年五度遊。天心容

虎鬪歲序裂鴻溝見女天涯意征人竟白頭

詩極沈快

寄池州劉興父吳渚倩諸子時客衡陽

飄零吳會日喪亂寄餘生豈意寧南檄終成犯關兵盧龍鬻紫塞鐵錫度金城往事都如夢江流六代聲

回首往事言之悽激禹峯

固是祖陶一輩人

衡州送吳孟堅歸池州

異鄉驚汝至臨別倍淒其幾作巢中卵猶存袴下兒孤舟蠻雨歇客路夏雲垂壁裏遺經在無為學廢詩

不勝黃壚知已之慟

桐栢道

泌水南來桐栢東山城浙瀝響秋蟲千峰自學車輪轉竟日如行杵日中文草驢迷鹽客路鼓祠虎避獵兒弓淮源浩淼

還無恙搥鼓曾開鳳泗篷

用筆強硬直欲飲羽石梁

高柴里

高柴里望大康城風雨迷離秋草橫斷塚荒岡沉舊鬼饒鴟老樹吼新晴中原水患三河淚南國軍興百粵兵老去何堪重躍馬關山迢遞不勝情

按景切事皆極深老使小儒無處下筆昔在宛城僕以詩示

公公為一字評曰大僕未敢當也請還以贈公

燕邸晤張譙明給諫話舊

春草葳蕤送馬蹄陸離長劍手親提帶星夜走青州路鳴鏑時聞濟水西十載離愁羸氏鹿一時倉猝祖生鷄荒城猶憶淮揚月我去吳門君住齊

氣魄甚大却寫得情事娓娓

王似鶴按察之中州

弓鳴落日帝城邊。節鎮旌旗出使年。雪苑寒雲梁殿闕。朱仙父老宋山川。十年水旱塞帷裏。八郡瘡痍畫戟前。聞說宣房頰壁馬。好從河伯問桑田。

古今事參錯筆端自覺光燄逼出

中牟遇培公話舊

亂後荒城只斷垣。春星歷歷倒清樽。夷門草覆侯嬴里。官渡沙鳴魏武魂。萬里音書連歲隔。百年親舊幾人存。無端更憶南樓月。老大傷心不忍言。

與乃叔翁同官楚

渡河

直從西極倒真源。吐納洪荒日月昏。萬里春冰瀾瓠子。千山雪浪捲龍門。帆檣漁火陳橋近。艸樹鯨吞艮嶽尊。十載河渠歸故道。泥沙盡識大君恩。

捧土從難塞孟津。中州天險更無倫。呂梁自許勞神禹。德水終難王暴秦。少府金空曹衛地。長千鬼哭宋梁人。滔滔不管興亡事。南北分爭幾戰塵。

論

二詩皆用全力無一筆輕下只是學博而識尊故舉無近人之

長沙秋興

客心無日不思還。珠下芙蓉露蚤圓。粵嶠秋風薊北馬。吳糧落日洞庭船。家山極目常千里。鼙鼓驚心竟十年。自笑飄零成老大。壯懷還欲勒燕然。

警鍊而有氣自然不墮小家

經上蔡

秋深亭午日炎炎。槐影婆娑掛酒帘。少婦黃頭門半掩。南家借取北家鹽。

質俚而有古意

扶台店

裸樹枝頭老鶴巢，荒荒百里見青茅。山家鷄子如拳大，執杖喧豨趕野貓。
寫得有趣

潞藩樓

望京樓上站飛鳶，丹碧層霄知幾年。羅綺都隨鞞鼓去，金閨白日老狐眠。
甚慘

家園培董心水

夜半軍書下武昌，琵琶洲上陣雲黃。興亡南北真殘夢，往日江山剩酒狂。

過約價口弔譚擬陶

鳳凰山上酒盈卮，藍縷相逢草昧時。藝苑飄零詞賦盡，江山

寂寞柳垂絲。

正難堪此

雨中興國寺酌劉大祈

觚稜古瓦帶青籬，鸚鵡聲喧烏柏枝。怪是愁心江雨暮，郎官湖上酒盈卮。
渾然

歸州卽事

長江彌日雨沉沉，一曲人家楊柳深。隔岸孫曹餘戰鬼，千年青火照烏林。
聲響震動

衡藩邸酌將軍

夜半新粧出畫樓，琵琶按部譜涼州。衡陽怕有南來鴈，錯認笙歌醉故侯。

天上歌喉掌上身，梨園占斷幾回春。大娘未死秦青在，閨盡

繁華是此人

興亡之感每每寄之若輩固是才士蕭瑟

鴈峰訪破門

荀與詰曲入芋眠怪有招提著樹巔萬箇蒼筤新雨綠白雲

一縷是茶烟

好境界令人神往

彭始奮

中郎海翼河南鄧州人娛紅堂詩草

順陽川

倦坐倚松石川原欣復平沿溪數茅屋歷歷幽禽聲新柳頗可悅菜甲一以萌旭日耀初景饁婦媚春耕愛此風土美兼之林壑清胡為遠游子望古淚霑纓丘壠杳如故累累荒草生斷崖出秘器古穴藏鼯鼯樵歌相上下哀湍時復鳴靜言念身世壯心還自驚

哀樂無端正是羈人懷抱

鄂慕容故墟

定州城外前朝墓累累春草傷行路燕王先業集關東建都舊傳曾此處寒波慘淡易水風牧童躑躅白楊樹却憶鷹颺不復回魚羊之歌使我哀一軍自能全泚水傾國空復徃滑臺可憐一夕風颺起結筏已渡河橋水舉事但看成老翁舊恩那復憶元子禁蠶采稻又一時興亡早被婦人知彗星自掃東井野黑雲橫壓參合陂孤城窮守更何益高陽流涕殊堪悲雲氣陰森白日晦蒼然平楚殘碑外抱仗如山棄若遺工伎當時竟安在惜哉輕自棄中山一去龍城終不還客來悵望日垂暮驅馬徘徊廢壘間

興亡之跡寫來悽惻動人而筆亦道盡

歌贈陳其年

君督師事樓山堂早年著作成一囊橫行江左三十載歲晚
 仍復謀衣糧樓山亦余丈人行夙昔從吾父避亂橫山陽蒲
 葦冥冥池水香十畝之官遙相望自茲吾翁在衡岳樓山有
 子浮中湘為言樓山遺稿已散失賴君哀集復輝光思君亦
 已久相遇適帝鄉凝寒暮雨北闕暝橫空秋色西山蒼長洲
 座上一攜手持螯命酒神飛揚酒酣談往事百感結中腸嗚
 呼樓山今已亾采石一去天蒼涼吾翁今復沒苴咩徒將餘
 事工文章發為金石聲洋洋小儒視之皆走藏惟君愛讀吾
 翁作拔劍砍案鬚鬚張竊歎古人著書非得已千秋回視何
 茫茫即君碌碌在京轂有文百軸終自傷鄉人轉不知羅隱
 梁苑誰能客謝莊踟躕感舊多慨慷不覺露下沾衣裳男兒

久游相視不得志何似驅車還故鄉

從樓山生出議論便
覺兩人交情都有本

木氣勢汪洋
直若江海

喜再晤劉公猷兼憶舊游

吏部劉公湖海客與我昔逢潁水側
 直欲垂竹帛但願救世能有權
 鳳城南屈指已是七年隔猶記從游潁上村
 麥婆娑永日春水間園外櫻桃馬上摘相對偶從林下
 酣閒倚階前石君旋春日過梁園命我相送河上驛歌管盈
 盈紅粉粧坐近楊花夜如雪却憐人世隨驚塵已經過眼如
 鴻跡君前寄我書猶言長相憶次云屢作河上游每過樹邊
 傷離別華燈再識今何夕更復殷殷為余說年已過往何攀

援回思往事應愁絕君今聲名滿當時余也意氣減疇昔感
君提攜念我情起視漁陽霜月白少陵之妙在拙太白之妙在快此作直以快勝

附劉公誠贈別彭海翼長歌

梁園花發雨將過恨恨起作彭郎歌定交不愁會面難為
歡當春奈別何愛君爽氣兼鬚年未三十稱丈夫景畧
捫蝨桓溫忌東阿出浴邯鄲煨貧家畱客客位醜冷淘槐
芽沽斗酒散帙鳴琴白日高蘭蕙吹香滿衣肘生平感遇
難具陳結客不信白髮新即今卧病清穎曲眼中愛有英
雄人明朝春烟橫官渡柳花野店匹馬路憶君更命君相
送聯騎鳴鞭且東去風流跌宕非鬚眉不俗人安能有此筆墨

泊舟題破廟

晚泊知何處孤村背水涯河流新漲後樹色晚涼時壁蔓牽
難盡梁蛛寂自垂前朝功德寺風雨見殘碑每過中州見市鎮已虛祠

廟猶在毀垣叢莽之中時見全碧感傷久之不謂中郎同我情也

武當山行

絕壑無來跡重陰一逕穿崩崖恒欲落寒瀟只微涓鳥人遙
峰○雨○山○昏○欲○夕○烟○房○陵○戈○未○解○惆○悵○碧○溪○邊

鎮遠舟行

到來黔地盡人語隔溪東孤驛微茫裡寒流隱見中灘高常
畏○石○舟○小○不○須○風○寂○寞○何○王○殿○岩○花○強○自○紅
秋陰望不極村落夕陽生霜葉偶然積沙鷗無故驚烟銷山
漸出江狹水難平共喜武陵近乘流堪夜行蒼厚之氣浮紙而出

送高堯臣之上京

已○是○思○歸○歸○未○得○燕○臺○况○復○送○君○行○秋○來○沙○磧○寒○先○重○地○敵○
關○門○月○自○明○阿○骨○雄○圖○連○鴨○綠○慕○容○伯○業○盡○龍○城○客○懷○莫○怪○
增○惆○悵○衰○草○窮○陰○萬○里○生○
讀過輒覺邊風
颯颯自塞外來

寄隴西觀察趙韞退年伯

新○分○采○邑○陝○西○偏○上○奏○仍○屯○塞○下○田○部○傍○先○零○種○作○帳○道○通○
西○域○雪○為○泉○陰○山○控○馭○六○千○里○河○套○因○循○三○百○年○會○見○殊○勲○
凌○海○外○那○煩○班○固○勒○燕○然○
貫串史漢熟習地里乃
覺筆端勁挺而無靡氣

弔古

弔○古○還○登○宣○武○樓○晚○聽○吹○角○意○悠○悠○元○朝○宮○殿○餘○松○樹○宋○代○
山○河○有○白○溝○人○市○人○通○諸○國○語○臨○邊○風○起○四○時○秋○却○憐○屠○狗○

惟牛客終是燕雲十六州

筆鋒慄悍似
幽燕老將

滇南

伏○波○往○日○舊○知○名○新○唱○鏡○歌○緬○甸○城○已○過○孟○坑○皆○置○吏○欲○開○
交○趾○更○徵○兵○金○錢○是○處○煩○中○土○貢○獻○何○時○達○帝○京○家○口○西○來○
三○十○萬○年○年○米○價○貴○昆○明○
只是道其實
事此謂詩史
久○客○愁○攀○廢○苑○松○舉○家○天○末○盡○相○從○蠻○兒○乘○象○若○牛○馬○熨○道○
看○花○無○夏○冬○近○接○漏○天○常○作○雨○倒○流○滇○水○不○朝○宗○獨○期○攬○勝○
還○荒○外○恨○未○曾○登○鷄○足○峰○
諸滇南景物極為矯異
尤愛其起句之風神

漢江舟行

新○秋○纔○過○武○陵○源○又○掛○歸○帆○指○鹿○門○浪○湧○磯○頭○崖○欲○動○雨○來○
波○面○水○先○昏○經○灘○理○柁○時○防○淺○人○夜○乘○風○不○就○村○偶○聽○鄰○舟○

吹玉簫客懷寥落向誰論

寫舟行光景
妙在婉而貼

滇中雜詩

病起天隅興倍饒
檣榔結實瘴初消
莫言殊土非吾土
萬里初通孫水橋

城下思擒緬甸王
空齋遺恨海西傍
死生久置遐荒外
乘傳何須到洛陽

晚泊

野色微茫水驛孤
遙遙燈火映寒蘆
愴然獨夜家千里
煙雨空江聽鷓鴣

唐人神境

秦淮

林陵煙景晚偏宜
楊柳絲絲畫幔垂
水閣貌爐人靜後
燈船

簫管夜深時

想見二十六曲之勝

荒亭偶題

薄暮思歸愁未能
荒亭有客肯同登
春深夜懶無來跡
雨過梨花落幾層

寂然

附龔芝麓贈送彭海翼詩

尺書問訊昆明路
何意機雲雒下來
老懶恰逢青眼待
詩篇常對晚花開
人言子敬應過父
自古中郎獨擅才
雪暗樓桑停去馬
殘燈濁酒憶燕臺

登臨羨汝悲歌發
地界曹袁戰鬼多
文士身經兵火健
中原淚送鼓鼙過
何人床下題龍鳳
晚歲天涯負薜蘿
長劍短裘年少客
壯心落日滿淖沱

二詩最
有氣岸

附漢儀賦贈彭海翼兼悼其尊人禹峰方伯之作

曾携書劍紫山遊，獨許雒文有鄧州。
年擬甘羅偏膽畧，才如曹植白風流。
沅湘路阻音塵絕，宛葉人來戰伐秋。
誰使武溪歸馬革，至今謝豹萬峰愁。

憶同開府聚龍岡，擊鉢揮毫更舉觴。
爾自英雄生白水，予原家世出南陽。
征蠻十載空魂魄，避地餘生老雪霜。
却共烏衣深夜話，銅駝金谷苦茫茫。

嶺外鴻飛早寄詩，君來絮語淚雙垂。
牂牁羽檄朝朝下，梁苑賓朋日日思。
兩世交親文酒內，少年結客鼓鞞時。
何當共挈黃壚伴，一上層樓望九疑。

邗上翩翩過錦鞬，朱門華屋且酣眠。
霸心夙昔輕花月，戰

地何時更管絃，彈指綺羅前。
代路回頭風雨九江船，還持

强弩錢塘去，欲射寒潮八月天。

彭始搏

直上河南鄧州人

秋柳

寒風向夕倍蕭瑟，張緒風流應已消。
曲裏清商空嫋嫋，堤邊烟水自迢迢。
誰能舒眼看隋苑，祇是銷魂到灞橋。
為報輕霜休更落，憐他萬縷更千條。

昨夜風吹水面涼，凄然烟樹徧橫塘。
蕭條帶雨情何限，憔悴如人意每傷。
遺恨何年畱陌上，愁心終古在河梁。
那堪吹入樓中笛，搖落征人淚滿裳。

戴明說

道默巖犖直隸滄州人

和阮亭秋柳者幾千首，遜此二律之澹宕。

召公水陂

從來吏議之公在道路南陽召公為治歌何暮祇今距漢千
 百年此時猶拜公之墓公理溝瀆如理家秧針銀浪飛鷗鷺
 憶昔成廟剪桐圭鯨波盡為公家注貂璫錦綬爭持籌羽林
 奮錘驅都護闢頭堰長吼如雷一呼千人走如驚上流一畝
 畝數鍾小民終歲奔租賦帝子一去長堰殘蛟龍怒圯阡陌
 穿白河不走白沙起蒼莽坵軋成乾田南陽之人非不知水
 陂之利利十千人稀餉匱筋力綿經營安得大官錢

一持將吏父老皆以為便而人稀餉匱至今任其污萊而不知講此詩只當一篇好奏疏讀

水陂之利

老婦行

鄖陽有山山翠嶺草深水腥妖蛇萬南陽自古號天中胡為

歲歲勞邊卒南陽止剩百人家家家含淚聽箴策或卒自領

官家粟但願噉麥不噉秫長吞踴躍雄如鯨輔車纒潤盤餐

夫供者何僕噉者怒轟雷愁氣崩殘室老婦長跪方致辭當

頭一擊血如漆垂死止悲十年窮嗚嗚不敢申紀律所望移

威加豺狼何襲一劍及蟣虱軍麾整肅古來難籬邊情憶李

光彌可憐倉皇今日畢鷄鳴咆哮日又出

詩逼真老杜兵車行矣

喂馬行

○古○筆○直○入○
 鎧甲遍城潦徧野檄文傳喂南征馬里正中宵布裹頭顆粒
 寸草逢人求南陽處處疲征戰輪蹄又沸十三縣有檄但促
 征豆芻將軍額外還折夫一夫數金囊橐好復驅市人鑢馬

○難○堪○在○此○
 慎墨堂篋

草箕踞怒筆五十日罷耕撤肆奔潦倒市人逃死小吏危中
夜捐軀投白水妻孥已盡茅檐燬但避誅求死亦喜
○實○情○真○事○ 哀慘之極

如聞邊歌野哭

楊叟行

楚麻楊叟胸豁達兩日不見即疎濶往來不厭壺飡貧烹雛
手自為君割長鯨千里搖旌旄腐儒幾箇乞粗糲湖西湖北
荆棘漫惟子高舉能生活細煮絳雪煉胡麻卧囊白雲在天
未請子為我談赤壁子談我畫臨臯石江流半染雲氣起小
月沈沈沒山脊

因友南旋言意

蒙面終青史灰心已白頭誰人行止事泛泛雨前鷗鐘鼓烟

波暮灾祥戰伐秋定驚聊復喜燈酒對神州

深心苦語 藉友言之

十一月風

發發魚龍夜長川果穩眠孤城臨樹暮戌火背堤然齊魯波
橫地周秦文在天那堪絃管在徙倚入流年
○陡○然○而○起○風○生○襟○袖○ 氣渾而響堅 可與孟津新

鄉相敵

人間用少陵韻

風雨消生事將歸剩白頭誰知國士意猶繫古人愁道淺妻
孥累家荒征稅浮龜書借鹿女閒殺五湖秋
○真○話○ 中抱殷憂豈 不讀書人所

能

鄭州

角鼓無休日蓬茅正壯年只看殘屋壁偏是少人烟控磬揚

蒐火龍鍾築瓠川。緇衣誰肯授野館。念前賢。

新秋雨。中悲漲。和彭禹峯。

聞說銷盧怒寒聲。折樹腰盤渦奔死鹿。雪浪滾浮蜩。客夢那。

溝月人圖滄海潮。書臺別有賦。况復此魂銷。

束薪嗟瓠子。千古未能平。况是稽天浸。來凌斗大城。野人營。

樹窟茅屋負蛙鳴。誰脫寒山葉。飛飛盡五更。
定園詩以氣完格正者為

第一二作復何間然

雨中再集

長安珠桂既已苦。何處壺觴招再遊。禾黍昏昏甦霹靂。江湖
漠漠喜蜉蝣。支撐陰崕天。山木搖落前朝野。寺秋醉後可憐。
人。世事古來笙鳳是。麟洲。
不難其嘖哨而難其渾老此詩最為合格

聞公愚遊海澱回戲賦

知君極目城西淀。老我傷神泡子河。七貴香奩曾駐輦。百年
芻牧近行歌。潭心暝雨看蛟舞。洞口腥風報虎過。荻雁連天
秋。不管興亡流。盡是煙波。
轉折呼應皆極蒼愷而寓旨哀涼不減落葉哀蟬之曲

新野議事堂昭烈與徐庶議訪孔明處

天顧炎符未可。淫殷憂促膝。見君臣布衣。自古藏名士。髀肉
何曾老。異人秋落江。聲吳楚。混日垂山氣。鼓笳鄰傷心。今昔
荒臺外。潦遍沙場。戰鬼貧。

長門辭

偏是秋風信。朝來一葉飛。君恩閒不薄。忍淚護宮衣。
間處亦是

君恩妙妙

閨淚

桃李迎寒暮風餘不忍飛春情薄似淚流去幾時歸

惜春
乎惜

淚乎總是無
聊中想出

送劉佑申歸

患難磨神智誰知交淺深世人無飽叔相勉積黃金

每遇
窘時

歎定園此句
之真之厚

戌婦辭

甲午宛師戌即襄護麥也五月深
入非時與地也鼓而鋤時人悲之

曾受將軍恩喜作將軍鬼郎心不可回赤盡襄江水

怒燒赤羽箭明鏡沸黃塵容易臨岐話明明送古人

畏哀

南陽野望

城上望丘隴無枝枯栢在城中人已稀隙地將誰待

與行
屣反

北邙行
同意

百花洲

洲心椽構頹洲外人耕作無限古時花紛紛開自落

此景
最堪

一
想

題徽宗畫鷹

雪後天高雙羽輕金睛斜瞬暮雲平誰知良嶽山頭燕風雨

年年買蔡京

贈歌者

瑤箏紫縠畫樓西久別寧王譜未逃莫向五雲深處唱年來

太液草萋萋

定山極賞此二絕每座
上酒酣喜為賓客誦之

宛南秋日慰雷鄧孝威

手見

卷之四

三

慎墨堂篋

怒茅積雨未能薙此夜同君續反騷纔見紫山晴月出秋聲聊當廣陵濤

荒城何處撞烟樓祇有秋霜漸上頭且緩瓊花天上棹為君研露畫瓜州

豈是劉琨遊聽鷄且尋梁父下城西明眼中原半屬將軍制好賣新詩換絡鞦

猶有行歌敵勁秋空天雁影下衡州悲來買卜君平宅策杖蕭蕭畱鄧侯

僕和定園此絕云豫山驪唱滿筵秋明日騎驢入汴州羽機如飛軍餓急空城髮白是君我別長安君入吳飄零何事信吾徒南陽自古饒魚水且寄燕脂謝酒壚

侯想見一時分袂情緒也

經秋雷電閉昆蟲午夜敲詩嘯晚風最是孤燈燒不盡鄉心

雙照月明中癸巳同公之宛南結又芳廬以居秋深忽忽欲別相視和歌至今把酒猶憶當日綠酒紅

粧西風驪唱時耳

送麻將軍赴肅州

鬚眉未老各烽塵客裏相看互送新為說雲臺圖畫早秋風莫瘦酒泉人蘊藉得體

題李五絃少司馬陳姬遺像

菡萏餘香鸚鵡身瓊簫聲落鏡中春何年畱得霓裳曲痛殺開元未死人寓旨甚深宜范箕生獨擊節此首

李因篤天生陝西富平人

秋興八首客長安作

長安四代提封地。指顧中原據上游。亂水遙分飛雪幕。清歌
○奇○警○舊識采蓮舟。園陵翠栢填薪市。帝子朱門起戰樓。轉餉江天
○得○此○結○全○首○俱○有○着○落○頻告瘁。南方征調幾時休。

芙蓉苑北駐新軍。羯鼓悲聲劇夜分。邛道遺坊潛下馬。王家

故老風能文。子斗重闈寂寞千門月。絕戍縱橫萬壘雲。碧竹

香蘭消歇甚。昔遊無路接同群。每結必警是 其布置之精

三川北拱帝城開。古殿陰移萬樹哀。地老黃蒿通作柱。霜侵

白骨半生苔。臨城獵騎彘弓入。帶郭漁舟擊櫂回。近說西羌

諸部勁秋深。牧馬過邊來。○杞○憂○言○之○豪○激○

終南太華古林垌。更使長河遶戶庭。落日夕曛三輔紫。多時

秋色五陵青。門空光祿群遊榻。文少卿 院冷尚書舊講經 馮 太青

伯少何處笛。翻柳夜故園。風雨憶飄零。

西來宛馬絡青絲。萬炬圍城罷獵時。黍逼故宮秋自滿。鴻號

中澤暮何之。浮雲迴首悲關塞。返照經心望崦嵫。一滯雙洲

情不愜。蒹葭搖落好誰思。

咸陽佳氣鬱難消。渭水時通漢苑潮。皎月猶懸京兆驛。黃沙

已合灞陵橋。寒催霜露鳴砧急。使出崑崙荷節遙。戍楚窺黔

多不返。遊魂旅旆日相招。

曲江池水已成墟。江岸籬花傍客車。采地縱觀周召邑。滄波

高枕漢唐渠。村春寥落斜陽裏。野哭分明舊創餘。咫尺杜陵

連鄭谷。撫時懷古一躊躇。

荒臺出日未央東。浩劫曾扳宿霧叢。羈客草蟲迷畫闕。健兒

哀角和秋風。金門想像長楊下。粉蝶淒涼暮雨中。漢世人才。
○領○畧○斯○言○太○平○可○致○
循吏古麒麟。不獨紀邊功。
○與○象○雄○偉○而○貫○之○以○識○風○調○整○逸○而○行○之○以○氣○遂○能○踵○少○陵○而○

軼空同曹侍郎秋嶽張舍人禪恭
許孝廉南草成稱許不置有以也
胡國柱 擎天奉天遠陽人

秋雨

淒雨當秋急。年來意不同。分明增客况。豈但老梧桐。山色昏
無際。江聲夜向東。涓涓簾漏冷。誰念五更中。
音旨蒼涼 詞近我輩

烏龍江

○雜○邁○獨○出○
繞山南。匯漢江。東迢迢。連湘楚。通萬丈。玉龍蒼壁下。千羣
白馬亂流中。氤氳嵐氣長如霧。蕩漾林光每似風。擊楫澄清
應有志。維時徒羨濟川功。
骨蒼筆老寫山川 真覺鬱勃有氣

送別盧坦先

雁陣西來甫見秋。無端鼓棹動歸舟。纔逢橘綠青樽夜。又別
寒陽古渡頭。繡虎高文應早出。銅龍虛席莫遲留。君行景物
須吟記。他日南宮話舊遊。
秀動

中梁寺

早上中梁寺。晚臨漢水溪。回看登陟處。山半落霞低。

夏亭

山腰斜出納涼亭。樹杪浮雲花底馨。坐久不知人世遠。微風
送雨酒初醒。
○神○到○
想其胸次 杳然天際
佟鳳彩 高岡奉天遠陽人

恒州登天寧閣

詩藪初集 卷之四
巍巍蘭若古興復自前朝俯覽恒山近平臨滹水遙幢幡垂
玉宇樓閣入烟霄瞻仰酬初志拈花何日邀
莊麗似初唐手筆

寒食思歸

疎雨春將暮桃花無處尋鄉中人折柳塞外淚沾襟每嘆年
華逝其如客思淡歸鞭何日整蓬鬢已霜侵
疎中見老

過辰州石門關

石門壁立與天齊古木陰森一望迷人跡半空驚語墜馬蹄
隔澗帶雲躋峰峰相應爭佳樹水水重連觀仄蹊秣馬登臨
鄉思遠夕陽斜掛界亭西
全首精力迸射無一弱語

大田署中望屏山

滹水涓涓日夜流石屏橫翠古今留數椽栢府雄邊徼一帶

寒檐宿斗牛月朗關山明似畫雨飄蠻洞冷如秋故園桃李
今應熟却望飛雲意共浮
精神大于身故言之英銳

釋鷹

驍騰獵騎下巴西曾驅雄如擊狡狴畫角聲高才自捷朱旗
影動勇難齊秋風遠道空思夢夜月長羈對影棲獨解雙條
憐健翻應知矯矯入雲梯
開筆電擊風馳倏爾天清月朗此謂神鬼于詩

孫宗葵 孝則虞橋江南高郵人愛日堂存稿

借曹秋岳先生遊韜光寺步高忠憲公韻

山水灼真意高深致有餘岫宇蟠天根恍躡洪濛初流泉滄
方池清風灑前除遂使冰雪心迥與塵世疎登頓更有路去
住復奚如簷楹矚江海一氣鏤清虛洞庭但浩蕩豈是仙人

居

嵐色幻今古。噓鳴銷春秋。紛埃事徒滿。所尚惟王侯。嶽嶽懷為道

古人正氣誰與酬。危節在天壤。不朽匪丹丘。好詩藏名山。披

讀起龍湫。梧岡有鳳皇。別浦閒野鷗。名德礪公等。終焉吾所

求。風雲薄丘壑。芳蹤祇此留。曹秋岳曰淳古警切真有道之言

猛風

獵獵吹天風。悚然立。澗風松濤不可平。虎氣有餘肅。恍惚入

悲啼。支離捲扞軸。慈親中夜來。惺惺認茅屋。凜然風木之思

示子

有德皆難答。無恩足比慈。人家憐幼子。母氏戀衰兒。烹菽無

時吐。懸帷不斃移。依依聊復爾。那便訊歸期。至情之言動人潸涕

題稽師巢入閩卷

同作西泠客。應憐到閩船。霜篷明月路。風橋小春天。妙手三

山活。清詩九曲聯。山陰邀我去。雪後待君還。

歸舟

浪蕩原如此。何如更掩關。空囊還四海。急艣別千山。冷耐峰

頭雪。澄觀水上瀾。人情合時運。未忍細心看。只不肯輕下一字所以往

往警異

拜岳武穆墓祠

嗟哉怪石峙。湖村鄂國祠。前烏鵲。喧西嶺。長埋千古恨。南枝

欲繞兩宮魂。製旗風雨黃龍夢。涅字山河碧。血痕史祝未將

禋祀考。成樵猶識姓名尊。壯麗沈痛聞虞橋遊虎林特修忠武墓此一事真可傳

蘭谿道上

獵獵天風響太虛。寒陰咄咄到衣裾。王猷權去應添雪。梅福船來更擁書。虎跡關門穿暮火。烏棲輿曲凍衰榆。揚舲半歲家千里。尚欲河源扣斗墟。

極險極僻處寫出遊人高興以此服虞橋懷抱

涵青閣訪葛公井

凌虛結構倚崔嵬。招得仙人信步來。綠水蒼崖涵一色。瓊樓琅館傍三台。應門喜見僧如鶴。探井驚看石盡苔。人道山中真富貴。世間出世眼誰開。

筆下有乘鸞跨鶴遊戲三島意

嚴州曉渡

稜稜雙塔對千峰。容齋輕橈咽曉鐘。水面浮青吹沆瀣。山腰環翠點芙蓉。迴看黟嶺烟將吐。平望荒城蔓欲封。到此塵心

幾欲化天台。何處覓仙蹤。

鑿翠流丹何其耀麗

雙龍洞步屠赤水韻

五石縫天手可捫。雙龍躍闕勢還蹲。雲膚鏤寸垂千乳。月勝橫穿逗一門。列炬漸看仙路近。藏舟俄覺朔風溫。擬從少室餐芝去。只恐探奇屐齒喧。

昔與虞橋握手京華。但以經濟相許。不知其有仙佛大本領在。

讀南遊諸作方知之

遊金華山將至鹿田不果

雲裏金華郭外山。登臨萬象自波瀾。路逢欹處峰偏好。泉迸飛時鳥故閒。錦障芙蓉開紫玉。翠圍松柏舞青鸞。烟霞過眼先成癖。何日重拈石浪看。

森奇瑰麗總非恒觀

餉酒

十五年○前○共○劇○場○相○逢○難○得○是○蒼○涼○新○醅○充○作○山○人○餉○世○事○
堪○消○一○酒○狂○
尚是牢騷

入金華

嚴○州○兩○日○入○金○華○十○里○三○灘○八○九○家○怪○道○縵○雲○封○谷○口○清○風○
拂○地○有○桑○麻○

桃○李○成○蹊○若○有○言○迢○迢○一○棹○問○仙○源○人○傳○路○上○會○行○虎○雞○犬○
而○今○絕○不○喧○
前首令人喜此首令人怕筆情最妙

孫光祀

作庭山東平陰人

送楊職方奉使安南

持○節○須○人○望○煌○煌○使○命○新○御○筵○陳○海○陸○賜○服○耀○麒○麟○布○德○皇○
靈○遠○開○誠○異○國○馴○帝○心○欣○有○托○莫○漫○憚○烽○塵○
燕許弘裁令郊烏失色

徐元文

公肅立齋江南崑山人

東林寺

東○林○精○舍○在○清○梵○對○爐○峰○傍○澗○探○龍○骨○緣○溪○躡○虎○蹤○蒼○臺○碧○
樹○合○青○磴○白○雲○封○短○屐○尋○僧○去○遙○聞○幾○處○鐘○
圓俊極諧正始

趙開雍

五絃韋齋江南寶應人東魯嶺北粵西諸州

謁孔林

今○之○曲○阜○城○乃○是○古○魯○國○闕○里○在○其○南○洙○水○在○其○北○我○欲○溯○
洙○水○驅○車○度○廣○陌○遙○見○魯○城○陰○千○林○同○一○色○何○樹○恒○不○凋○老○
檜○與○蒼○栢○方○春○發○生○時○茂○密○無○寸○隙○高○門○戴○朱○薨○重○墉○護○玄○
宅○下○馬○步○入○門○輦○路○蘇○苔○碧○陟○橋○俯○清○流○涓○涓○涵○聖○澤○當○年○
馬○鬣○封○此○日○表○穹○石○傍○有○端○木○廬○築○場○宛○如○覲○沂○泗○二○公○墓○

相去但咫尺。肅躬一再拜。素願慰平昔。

如此等題只是還他樸實着一才情

老龍池阻風

江行最苦北風惡。十日之中九日作。哨帆冒險不能前。老龍池上縱青雀。思歸日傍大江流。如此風波只合休。人生遂意寧有幾。極羨江鷗浩蕩游。

數語清健再添一句不得

觀音巖

巖石同天造。維舟紀勝緣。逕幽僧導火。苔古佛忘年。洞可千人坐。樓驚百丈懸。誰能躋絕巘。箕踞嘯風烟。

字字真確非予舊遊不能

知其妙

三弟過金山僧舍以風雨止宿

念余依淨侶。一棹問江津。豈少歡娛地。寧甘寂寞濱。風濤聲怖客。山閣雨留人。且待明朝去。天吳怒漸馴。

只是大雅不屑描頭畫角

禹廟

古廟復丹青。千秋黍稷馨。當年乘四載。此地想曾經。崇碣干霄漢。高文炳日星。中庭餘檜柏。猶似作龍形。

一結蒼邁

桐廬道中

邑小同村落。千峰列縣前。灘高潮力減。風順櫂聲便。樵徑雲中路。人家盡裏天。結隣擬卜此。先辦買山錢。

詩貴精實一味空翻不得

此詩可愧世之偽為高岑者

登梅嶺

鑿石通吳粵。殘碑尚勒年。高攀一線嶺。下瞰百蠻天。偃壑龍

鱗古懸崖鳥道穿山靈須擁護萬里絕烽烟

尚是初唐風格

泊吳城

章江東下路來往此通津魚米歸商船雞豚賽水神乘風來
確貼吳城
及曉避浪每淹旬試向波臣語休令傲吏嗔

南池

可與曠論子載
城隅秋水自千年杜老經過亦偶然遂使池塘增氣色始知
人物重山川芰荷香動微風夜蒲柳涼生欲雨天獨有宦遊
人易感那能不憶舊青瑣
名人舉動如此關係只是為我輩長身分耳

登石鐘山

參差怪石臨江澣碑碣千年志石鐘絕壁夜深森洞壑空潭
晝激恐魚龍水分吳楚波濤壯山對匡廬翠靄重不憚捫蘿

登極頂孤筇疑有白雲從

卽子瞻意寫來淋漓滿志

蕪湖別張荀仲

章門挂席共宵征十載天涯老弟兄袖手中流看黛色驚心
淡夜怖濤聲君旋宛水仍東越我抵邗關又北平惆悵明朝
各分袂朔風寒霰滿江城
情事婉貼

螺川雪阻

溯流滿擬兼程下三日停橈阻石尤漠漠驚沙迷野望颼颼
中唐佳處
敗葉亂羈愁寒江不渡歸人夢大雪偏摧孤宦舟此去修途
方未艾何能縮地問邗溝
疎老清圓兼有其勝

桂林別王蒼崖之養利

伏波山下日沉西愁說來朝卽解携習俗風謠知大異寒暄

氣候苦難齊。灘高地肺千重險。猿迸鄉心十倍淒。君自盛年
饒遠畧。殊方何以格雕題。

蒼梧南去萬盤雲。話別臨岐酒易醺。老我宦途甘偃仰。對君
愁緒正紛紛。地當炎徼鴻音少。水出溇江燕尾分。進退茫茫
都未卜。歛歔不獨為離羣。
他家于結處每苦說盡章
齋獨妙有含蓄此其養到

浮湘

荒江寂寂度佳辰。手薦椒漿拜水神。暴漲無端吞古堞。好風
不肯送歸人。山中久爽經年約。客裏空過一半春。漫道抽簪
今履坦。眼看何處是通津。
從容順適而意已淡至○韋齋
守宜州甫一載即挂冠歸逸致

高風足
繼彭澤

過洞庭湖

洞庭春漲正無邊。變幻陰晴頃刻遷。大地銷歸隨氣轉。極天
綿邈與波連。行來頓失三江濶。到此能令萬慮捐。莫向中流
吹鐵笛。老龍潭底未安眠。
渾灑

金山樓居

樓居恰俯江。三面風雨無端日。閉門惟石釜。翻左右沒亂流。
箭激東西奔。月光不敵陰霾氣。山色常留積水痕。濡墨飲醇
無一可安排。跌坐了黃昏。
蒼堅老硬有泰
天溜雨之勢

東劉松庭

兩年領牧文身地。萬死投荒瘴雨鄉。遷客遠歸新白髮。故人
無恙舊青箱。山樽滿貯葡萄酒。野服初裁薜荔裳。從此相看
成二老。耦畊原上有茆堂。
一氣蒼茫畧無支飾此惟
寢食杜陵方能詣此老境

焦山

岩堯石磴緣蘿上振袂凌風渺聽觀雪竇涓涓流沆瀣雲聲
○敲○過○焦○山○
 隱隱散旃檀梵宮地迥蒼龍狎海國天低健隼盤獨惜勝游
 遺缺事東溟出日不曾看
厚力雄情將禪房小景一筆掃盡此方是焦山之詩

新集別俞生

朔風撲面雪霜天策蹇衝寒路幾千旅館張燈宜縱酒須知
 今日是離筵
纏綿婉戀妙以淺淡出之

子淑星垣兩弟送至江干詩以志別

相對依依各愴神扁舟樽酒慰離人明朝漸遠真州道柳色
 鶯聲客裏春
妙在客裏春三字無限情味

次治東門懷古

歌舞臺空迹已更莫愁湖水尚盈盈英雄消歇知多少紅粉

猶傳身後名

石城西望總蒼茫細雨東風故壘荒六代繁華成舊夢不煩

老衲話興亡

僕嘗謂唐人斷句是樂府之遺最易感發人意如此二詩固屬銷魂之作

郭士璟 飲霞梅書陝西涇陽人江都籍

寄池陽太守

齊山近郭外高聳十餘峰大江窮一顧去來帆影重捫蘿登
 絕巘俯瞰雲際松返照下長坂豁然披心胸顧誰主此者君

其泰岱宗

○起○得○突○元○
 最上翠微亭峰勢層湧出左臨妙空巖右與玉桂匹溪泉十
○奇○快○
 一處半入石虎室廻環隨所之樹雜諸峰密逆溯蓮子洞廉

井與寒栗

純是山水間快語與語以贈使君當為不俗

真州道上

秋曙過青山。山峰色多赤。村落通竹林。處處水流石。飛鳥不識名。天霽江皋碧。尚非異鄉人。片雲千里隔。

簡傲似常建諸公

秋浦

朝起泛秋浦。秋浦落新霜。漉漉八十里。霽色如瀟湘。開棹殘荷邊。微風空波颺。西風看來雁。白雲與翱翔。投跡不欲去。終日取清光。

空濛澹渺豈食烟火者能道隻字

妙光閣遠眺次宗鶴問韻

放志向天外。誰知鹿苑游。遙峰無匿樹。隣寺不藏丘。四野平花氣。孤雲就尾頭。登臨何限意。落日大江流。

處處是遠眺而筆情最擴

春病

一春花事少。遣悶只裁詩。病久堅吾道。情忘悔舊時。聞鳩新喚雨。愛竹日編籬。世事容貪睡。勞勞尚酒卮。

竟是少陵坦腹江亭時語

中秋

良會乘今夕。層臺見遠鄰。清光宜八月。冷淚落雙親。露下人歌靜。雲高樹色真。弟兄猶遣興。長夜促杯頻。

藹然見孝友之性

舟中聞笛

月明沙淨蓼花洲。小艇依稀橫笛游。未識瀟湘應有怨。偶依楊柳便思秋。聲隨遠浦漁歌細。調入寒雲碧澗流。聽罷夜深衣露濕。蓼花蓮葉總颼颼。

雋響幽思如逢秋士

紅橋泛月次宗鶴問韻

皓月澄空風景幽。大江千里一揚州。遙分樹色三山起。四望
溪光萬頃流。盡舫不迷隋代路。高樓應照美人愁。竭來清影
隨心賞。短笛橫簫夜夜秋。
妙是紅橋夜
景迷離如畫

偕諸弟登北固

三吳地盡南連楚。大海雲蒸東去潮。山人滄波渾倒影。人從
傑閣一吹簫。臨巖幾屋高於樹。繞壁迴廊疊似橋。骨肉相依
頻極目。北風隔岸苦蕭蕭。
氣岸雄偉胸
次直吞雲夢

南眺

山外空雲濕。天南白雁秋。紅橋一帶樹。約醉幾人舟。

金山

江流落日萬峰齊。醉後閒看鳥欲棲。無限白雲飛不去。一天

秋色小亭西

悠然

送孔子常之江右

滿載菑書別故都。將尋鹿洞理榛蕪。寒雲一片蘆邊雁相送。
潮聲到小孤。
風調極合

丁象輝

原道河南鄧州人

大風玉璽歌

順治十七年富陽典史孫某者解餉過高郵有光夜燭于湖促榜人跡之得玉璽方四寸六分雙盤龍紐辨其文漢高帝大風歌也十二月疏獻于朝作大風玉璽歌

赤帝之精內府壁。天荒地老有人識。寶氣靈威撼解門。蒼虬
赤鯉驚魂魄。猶記秦郵水。倒流舟人震。懼據船頭忽驚鐵。繼
得異物轉訝螭。紐綿春秋長年駭。顧顏色變小吏傳呼非近
見雕紋細髮聳。盤龍爪鱗鼓動玄黃戰。熟視乃識斬蛇人。內

史特紀彭城宴其書與與嶠嶠同李斯程邈奚所羨嗟哉此

璽稱神工咸陽匠石誰磨礪論價直欲比和氏吐氣還能貫

白虹波灑至今湮沈二千載禹鼎還搜泗水中却憶真人履天位

太公會擁迎門簞鑿與罕蹕出函關左燾不同馬上治關內

諸侯除路塵沛中父老清壇地忽然拔地變陰陽商歌蹈厲

聲飛揚親舊繞前爭伏誦籜冠亭長真非常千秋萬歲難忘

此歡極悲生泣數行賜來湯沐傳奕禩教出兒童識故鄉分

茅胙土烽煙息摩娑神器誰剝蝕翠蓋金輿帝子家雲鶴蚪

篆符郎職秦壁久從軹道啣漢璽豈受漸臺逼何年誤落邗

河滌漏奇光的爍珊瑚枝白環銀甕見有日龍文虎彩寧吾欺

事奇詩亦奇讀之
覺有蛟龍翔舞

丁日乾謙龍漢公江南泰州人
漁園詩

燕京雜興

京師苦境

春色過前陌柳條青未掃泥沙水雪開照人顏色老十年始

一來姓名無人道故交官亦貧晉接徒傾倒朝瞻南山雲夜

夢北山草榮華不及身輕肆如飛鳥千里趁勞瘁緬焉懷四

皓何等
胸次

群友滋紛華我心怵明發千里懷庭闈嘗慮其旨闕矩步慎

周防道路多碑碣降志與辱身俱為理所恃射策金馬門荆

倉被屢削士賤歌伐檀世治貪採蕨浪擲已靡悔還山矜歲

月謙龍以高堂白髮故懶就公車
鄉黨稱為純孝一詩備見其拙

遊牛首山

十里入丘壑人家樓斷吟蒼蒼百尺松寓目便心警遙矚雙
○為○道○梁○關峰翠微密如鬢山路問樵童磬折造崇嶺空山故自佳松
多有別境日午入山門香界諸緣屏拾薪白雲粉汲泉虎跑
井拭目閱嶙峋岩堯天闕影頽陽猶在林却望遠江靜轉探
辟支巖齋心為歛衽
○傳○甚○劉辰翁稱柳柳州古詩短調新
鬱清美開勝謙龍此作有焉

冶城朝雨

○客○麗○可○愛○朝氣飛雲雨振衣躡崇殿畫棟矯遊龍不庶無梁燕翁獨縱
山川靈幻易前見巖嶺接混茫苔茵迥葱蘢表鬱蒼松黑
妙勢谿絹懔彼萬慮靜釋茲塵埃勸所欣勝情多山居永舍
賤
○妙○兼○顏○謝○之○長○
○正○復○誰○議○優○劣○

約同人脩林子仁先生墓

公諱春別號東城

先生冠南宮正學儼先輩官為吏部郎丰采瞻一代後來從
祀者無復顏閔配豈以風教殊遂令典型廢予同樵園子壟
頭勒馬轡憑弔前賢風肅然起敬愛宦篋止四金○公○為○郎○實○事○那
得厚封隧蔓草既已盈松楸失曩翠墓門雙柱斷况乃識名
字雙淚落禾黍迷離徒中嶽徘徊搜遺碣村犬眾追吠予家
○此○關○照○東城宅是公閔閔地羨墻猶在斯丘墓忍弗治須補石上書
為公闕草昧○東○城○先○生○不○獨○科○名○之○盛○宦○况○之○廉○抑○理○學○大○儒○也○謙○龍○肅○然○思○治○其○遺○墓○其○景○仰○為○何○
如

秋雨吟

昨聽村農言水中禾稼熟短楫下荒溪猶計收百斛今朝雨
淋漓阡陌成巨瀆室人咎前籌倉皇亂心曲側聞西溪人早

已賣黃犢

言簡而意盡

仙裳從東舉歸携佛眉畫扇見贈走筆賦答

知君不任耳所鑒筆墨多心跡在丘壑
逴逴見詩訶斯人閉
茵館豈但禮維摩移情及繪事結想托巖阿
我聞蛩然喜秋風約來過何為疾疾深嘆息
柰君何珍重貽紈扇佳懷滿爐蘿好山有密林
靜流無湍波期君蠲百慮揮絃去沉疴
時佛看抱病通真晉魏遺音然正使情事畢出所以為佳也

寄懷吳賓賢

丘園有勁鞠巖壑無卑枝彼美綵中裛秋月揚我眉
芒鞋悔識長安路衣上沙塵落無數自挽鹿車見君詩
欲行欲止始無誤潦田無廩食無魚四顧君如安樂廬
何日海鷗更相見

篋中應有虞卿書

賓賢居斥鹵之鄉所居陋軒日與松竹相對當代高流也謙龍中一段可謂極

其景仰

嗟此一隅

嗟此一隅幸東北水田還有一分穡秋來岌岌帶青收
經年窮苦不足食官糧停征賴皇恩獨有積逋難塞責
豪家僕子特尊嚴長鬚豐願面微赤稻甫登場雙漿來
先索船錢與供給麤糲云是腐儒餐沽酒殺雞克夜集
農事歇時穀已空○真○也○不○管○易券重加幾分息
為語巨室老蒼頭回看母妻相對泣○子○僕○
原易張威况令之收債益復縱橫無忌所以衣冠而權子母非自靖之策也試讀謙龍此歌庶有悔乎

蕪城水閣夜集

廣陵勝地成劫灰華林芳苑侵蒿萊誰更風流傳逸事掃除

荆棘營高臺。吳調楚舞久淪棄。重見春燈恣壯麗。琉璃寶色
 入窻明。眾恩擁列名山記。却憐災沴盛淮揚。綺院華筵不更
 張。市橋搖落空垂柳。畫閣依稀鎖夕陽。偶來欲撰蕪城史。寂
 寞江花炤江水。遺老招呼集綺樓。譚言權譎酒清旨。開軒落
 日射如電。紅亭画舫參差見。須臾傳點五色燈。千家無光一
 樓絢。半酣洗盞席欲更。客起憑欄水無聲。板橋燈火行未絕。
 隣家笑語偏多情。繁華再覩開元舊。電火聊為樂昏晝。天明
 不放酒杯空。詰朝更起為君壽。
但作歡場繁麗語易耳于熱鬧中却具憫時憂俗之旨此詩所以可傳

紅橋舟中觀女郎演劇詞 女郎俞水文家伎

平山堂上踏青多。平山堂下舟滿河。花苑鞦韆紅袖舞。柳堤

絲竹青娥詞。此風昉自何年者。爭尚輕盈與艷冶。竹西詞吹
 舊傳聞。教坊嫺習珠簾下。垂髫我亦事嬉遊。王孫芳草儘淹
 留。自經烽燧暗河洛。江頭風鶴蘆花秋。青絲白馬紛紛見。金
 鈿瑤箏一時散。蕪城空國無佳人。戰場秋雨笙歌斷。念年休
 息垂楊生。耳邊依舊繁華聲。画舫紅亭更滿眼。嬌歌艷舞多
 娉婷。公子場來修禊候。彩鷁雙雙繫楊柳。玉面爭誇金谷粧。
 檀槽自歷耶郵手。兒女細細逼人情。清喉低轉如流鶯。春風
 吹暖劫灰盡。却說江都夢。又真隋帝宮娥。稱絕代。迷樓殿脚
 今何在。欲歇猶艷玉鈎斜。不見當前詞舞態。休問既往與將
 來。明月今宵正舉杯。莫教彩樓雲散去。二十四橋空徘徊。

全首似作流連沈湎之態。然細玩言外餘情。却有
 不待管絃終搖鞭背花去之意。是謂蘊藉風流。

白門秋集高座寺彈指閣

山靜紆南郭僧高閉竹扉人從黃葉過寺有白雲歸攬勝全
忘俗同群自息機一簾清磬外秋水淨垣衣

汗漫身為寄遊遊江上臺譚經支遁理題碣謝公才木葉晚

風動山亭秋雨來無窮延佇意薄暮且啣杯

閒遊期永日隔水坐柴扃白社皆詩叟空山一酒亭寒温松

菊長聚散海雲青別憶招提話他時倩羽翎

落髮人方少樓居愛遠岑身名六代寺丘徑十年心畱客分

山菓開軒對竹林許探幽勝事因爾更招尋

客松園同韓石耕看南山一帶紅葉

步向長千里層霞一望間秋殘山更好日落樹猶斑同看前

幽雋秀澹如菊如梅

林過須登別嶺還叢叢淡淺色偏動旅人顏

詩有自然之色不假粉黛

送李箕山遊西湖

貼今日風景

君到西湖上西湖異昔年樵多春樹少詈罷酒樓遷懷古青

山外移情野渡邊應知倪瓚筆能畫六橋煙

奉老父登季弟問琴樓倩隣叟剪除竹樹

善飯心能遠重登花萼樓同時諸老健繞膝一兒遊松菊無

人掃柴荆與客謀殘陽生愛戀白髮又經秋

覆

此等詩最近性情引人三

古塘于氏園

嘉州神境

不知何處好但覺是山村都入亂峰路難尋野水源斷煙茅
屋小見月樹林繁偶卽風濤臥幽棲欲灌園

花朝題隱園

幸傍墻東竹。琴樓對景偏。八旬棲隱地。二月種花田。潦倒看今日。芳菲勝去年。柳絲垂過壁。朝夕繞厨煙。
造語自然風秀

金陵別韓石耕之于湖訪郭民部

汗漫山陰棹。支離落葉前。逢人江路上。沾酒石橋邊。拂意常看鬢。窮途又放船。謀身無好策。已賣故山田。
一片真氣浮動却出之輕借

紅橋造與

鷗鳧荒徑蔓青莎。鼓擢閒遊一嘯訶。夾岸垂楊秋氣早。橫橋斜雨夜聲多。蕭條風景殊隋苑。寂寞漁燈自楚波。何事興亡重感慨。且持樽酒對枯荷。
紅橋詩人寫得喧闐君說得黯澹固是有心人別有寄托

訪介立友蒼兩上人舊居

條然二妙在禪林。曾共清秋夜聽琴。香逕鶴隨花雨散。筍園蟬抱竹枝吟。客來猶覺寺常靜。僧去纔知山不深。無限低回秋思遠。白雲空寄鹿門心。
詩心靜遠

書北固山舊讀書處

少年歌嘯春江外。今見蘆洲戰壘偏。鐵甕日殘嘶獵馬。金焦風勁下樓船。山中短榻禪燈在。橋外垂楊酒市遷。到此那能重惹跡。茫茫迴棹水雲邊。
河山不殊風景則異能無十年酒樓之感

江行泊靜海橋

荻蘆編戶閃孤檠。月白長橋江半明。溪澹數行秋樹影。人歸一路夜潮聲。吹簫茅店荒醪熟。倚釣寒楓短褐輕。此外微茫

何所見山溪草滿亂蟲鳴

全以筆情擅長覺風流自爾佳勝

燕邸憶江南梅花

蕭寺空維白鼻駒故鄉清夢出京華山村有酒一茅店天地無塵千樹花何事風霜羈帝里漫隨蝴蝶遠江涯自知疎劣宜貧賤且訪銅坑賣酒家

蕭條高寄

九日登雨花臺

正擬登臨散客愁逢君着屐上高丘遙帆欲度長空影落木多開別墅樓此日何人還載酒六朝無地不悲秋曾經少壯嬉遊處搔首西風自白頭

蕭瑟多感

雪後行荒山中

旅店鷄鳴肅羽馳泰山古道正崎嶇雪光亂捲乾坤合荆棘

新開僕馬疑數里始逢蒸棗熟晴天猶覺凍雲遲風前簫簌聲聲遠閭巷愁聞說亂離

寫荒山景可云刻至

戊子過汴城

驅車遙憶舊繁華堅壁徐看一角斜沙隴尚沉前代碣田疇非復故侯瓜千年梁苑迷秋草幾樹葵門集暮鴉遺事空勞憑弔盡那堪霜夜聽琵琶

大有滿目荆榛之歎

溪村訪舊

撥棄塵埃向草萊幽人家在白雲隈一路板橋村艇渡滿溪黃葉葦扉開比隣多屬樵漁業稗史猶淹班馬才惟有野鷗來往熟門前秋水亂蒼苔

氣韻幽涼

隱客棹雨過漁園乞竹有贈

何等心期思種竹呼童帶雨放舸來將予臥雪持竿意有目

樓贈爾孤村倚釣臺到舍翠筠應不損成林曲徑定須開吳

時好召漁園客為報溪頭筍似雷別調殊情具見篇幅

季秋安溝信宿與中表諸兄弟話舊

若齡隨母一帆歸對舞河干與欲飛四十年來頭俱白兒孫

滿眼漫牽衣極真極快

題安溝紅葉

江南紅葉秋如錦江北秋深色未酣獨有此中烏柏樹一溪

兩岸似江南我欲移家此間

太平庵訪蓮宗上人

蕭森堰口板橋束竹徑蔬畦迥不同茅屋閉門人語寂舊僧

遙憶月明中光景大是可想

仲秋復過姜堰鎮

五月納涼深寺裏重來渡口葉蕭蕭却思堰上同遊客不見

提壺過板橋前同仙裳聯吟太平庵今仙裳入城極好

有憶

一函風月酒盈卮絕調誰賡碧玉詩孤艇夢回雙槳夜薄衾

春覆兩人時六朝人有此柔艷之作

種桃

家貧終日閉柴門讀罷殘書飽菜根但種桃花千百樹何須

更說武陵源

留竹

空園栽就竹千竿。忍作荒林荆棘看。信到此間無熟客。清風勁節使人寒。

江上漁父吟

何人遁跡此漁磯。補得殘罾與薜衣。潮去潮來雙鯪美。不須棹過大江歸。
筆意自遠

溪上

秋日移家住溪上。溪田出水入水微。隣家婦女採菱去。小舸薄暮帶魚歸。
似元次山

醪酎一醉當軒坐。細雨斜風吹葛衣。何事病餘華髮亂。江山戰後故人稀。
謙龍澹靜人着想自別

謙龍于宅畔構漁園池亭竹石俱勝客至則引與賦詩所著甚富

張玉裁

禮存江南丹徒人

送揚鄂州使交趾

龍函光射海雲黃。弩矢懽迎使者裝。解道天威真咫尺。鯨波不撼富良江。
雅飭

張玉書 素存江南丹徒人

安南郎事

老氣盤鬱鐵騎昆明道。戈船粵水西。諸軍催轉戰。天意罷征輦。象飲蠻江靖。鸞飛浪泊低。須知尺一詔。不異下金雞。
壯偉有氣局

羅承祚

景有江南丹徒人枝閣詩集

贈許漱石先生

昔在開元全盛時。先生文藻耀龍螭。太液波邊工作賦。新豐

市裏醉題詩。暮年曾學楊雄字。天矯變幻靡不至。驚星斗兮
泣鬼神。安得此人為執轡。會當荆棘滿天涯。鶯洛鷗眠何處
家。不必門栽彭澤柳。豈期路指故侯瓜。十年卜築錦城樹。繁
華恐金兒孫誤。那有菟裘堪退老。且愛魚蝦饒海戍。一官岑
寂往來頻。郢曲江騷誰與倫。倒屣不迎朱蓋客。傾囊常結布
衣人。飲酒擊筑溷徒步。吳市何曾識子真。
矯然獨上如
空中白鶴

瀏陽舟中

小艇盤幽澗。行行傍野家。峰連疑逕絕。石斷引溪斜。落日飛
孤鶩。寒田噪暮鴉。碧波清可鑑。照鬢感年華。
秀穩

贈李枚及歲暮歸里門

太行分左右。州縣數曾經。日月淹遊屐。風塵老客星。綈袍憐
尚服

故舊濁酒慰飄零。不是臨邛路。空留到處銘。
起法獨為超軼

遙和黃仙裳中秋飲王山漁宅之作

暮靄帶清光。微聞露氣香。一卮酬令節。兩屐遶頽廊。月讓連
宵好。風翻獨坐涼。西隣客子近。咫尺異匡床。
風神諧暢

今夜朦朧月。歛眉處處看。無田供種秫。有澤枉投竿。絡緯催
碓急。飛鴻怯路難。隔城千百艇。飄泊任奔湍。
此首念及時事惻然仁者

言之

寄題太華王玉質手蓉閣詩

手開別墅寄遐蹤。百二關河鏡裏逢。檻迥千尋青嶂疊。樓孤
一片白雲封。詩城高築金為掌。酒壘長懸玉作峰。勝事輞川
千載合。柳吟花醉夢相從。
氣勢崢嶸

別王懷人

十年萍聚總無多。花嶼春風醉薜蘿。到日凍雲凝楚澤。歸時飛絮落湘波。舟浮南國鳴舷去。夢繞西園載酒過。彈指交遊誰卓爾。蘭亭父子本差哉。

輕華之氣如夕翠朝烟

張異資遠牧崖州寄懷

寒帷方刺一州初。彈指經年斷鯉魚。吏鎮蜃鮫清海浪。民連蠻漢雜山居。長迎條氣忘冬夏。多炙名香省簿書。報國不辭盤錯會。賢勞消息近何如。

冲秀時露英氣

贈家鏡菴久游歸里

輕肥任依美平生。幾載携書湖上行。芒屨愛登天目峻。客星高。並釣臺明。相逢纔擊歸來檝。把酒徐聽雨後鶯。滿眼瘡痕

猶有淚。好將蘿薜易簪纓。

字字鏗鏘

入郡舟行微雨憶吳宗玉胡裕民二同寅

舟行却值雨濛濛。牧唱樵歌逐晚風。夾岸來牟翻浪碧。倚村榆柳看霞紅。浮槎輸輓防河急。刺眼仇離祝歲豐。記得去年偕二妙。禪房烟樹話江東。

關心時事固非尋常筆墨

步平山堂故址有懷六一居士

平山古蹟枕荒丘。落日驅車選勝遊。黛色遠籠瓜步外。烟光近繞蜀岡頭。千年歌板空金屋。幾歲僧架掛石樓。猶憶廬陵邀賞處。舊題黯淡不勝秋。

輕盈可愛

何林

喬子雲壑浙江山陰人順天籍彌年集犴山蕪言

登恒山天寧閣兼簡張恣公

霄閣聳遙城危樓森矯抗地扼廣塗軌利無凡字狀跡自開
 皇初由來非時創世遠若有憑嶄立曾無仗穹隆歷劫塵經
 哉豈一餉廣殿衛雲浮曾欄接風闐瓶甌射朝暉鐸鈴傳夜
 嚮絕構既崔嵬銅人復漾茫身高七丈二象教世無兩怖慄
 舉頭生恐懼躡足長仰觀我佛形俯窺衆生相仰觀何肅森
 俯察何悵快盤曲層梯間脚踏毘盧上竦身頓高空游目莽
 清曠闐闐胡爲紛原壤何無恙曲薄近參差平楚遠同漾崇
 雉作遊塢遙山起微嶂千里在目前鄉縣寧可望嶽巘素岑
 峯大陸猶觀壯隆代委山樊先民剪流浪覽彼終古跡心焉
 多悲氣與色默古情穆然如此方是
 恒嶽詩與尋常小山水有別

○意○古○俱○遠○
 遠別不繼音近別無留影遠近理亦齊嚴駕在俄頃今日整
 轡絡明日理解艤二物逢君意迢迢驚修景不惜道路長所
 悲歲月永兼秋時已屢九春猶斷梗去矣方滯淫托身在何
 境

偏棲偶獨影行人滯廣川天際歸舟絕江流日夜漩園柳歎
 念妾江艸爲客延將艸比園柳不得益貞堅大路車馬多泯
 邊舟楫闐竭來各自識馳道迫如弦如何當薄暮令妾望洞
 沿擬古嫌其蹈襲如此自出機
 杼而又暗與古合斯爲絕調

眺嶽麓山

君不見嶽麓之陽塗山碑斑爛永鎮熊湘陸又不見江夏秘
 書留製作健辭英氣何磅礴江源導後日滔滔衡岳遠同崧

岱高迴雁歸來七十二噴吮直引長沙地崖沉谷變復何嘗
 麓自悠悠水自湯定王拜圭入楚疆屈賈風流遠未央只今
 蠻徼小臣東海客登臨楚望轉逼窄十年心事向椎題那更
 吏道成牽厄辱魚損神馬尾焦黯然北顧徒岩堯平仲之泉
 太白湖郎官不朽萊公祖吁嗟異地還憑弔賴有材賢典與
 俱古色斑駁却
能一氣轉宕

蚤春

榮雲出漢都小苑却寒蕪日射層冰薄風搖直木蘇鶯啼傳
 族羽蟲蟄動身鬚趙北黃金柳遙遙着道途

似六朝初唐
人之作聲情

艷而
別

夜坐二首

落日辭荒縣孤城月上來晚鐘如昨日暮鼓復如雷巷曲門
 關蚤鄰空戶夜開祇令長久坐弄影自裴回
 萬事三更盡方知靜者娛輕雲飛處滅圓月望中孤犬吠通
 街寂蟲吟清漏徂素心誠似此不為學清癯

清不入癯老
而能媚詩心

何其
雅淨

登唐縣城樓二首

除煩一躡步俯郭瞰郊原壤甸山根盡繚垣野外存登高疑
 舊國望遠奈前村邊燧連年在悠然感興繁

落想甚曠

大漠通天地遊籓此世人城門拘限久雉堞歲時陳紅日他
 鄉遠青山北地隣墟烟看落晚喪亂幾經巡

峻嶒聳特却
又合格調所

以為
佳

屏居即事

屏居對物候麗色映斜陽節去隨流水春歸往故鄉一身唯
餞歲終日但迴廊塔下莓苔綠時時映錦囊

黃梅雨有懷越中

雨濕小城圍雲生處處飛燕翻臨睥睨雞唱出闌屏習靜唯
喬木移時見落暉常思泥濘往乘輿到漁磯
筆、意、飄、宕、 驛路堪泥馬江流可放船此時雲樹好恰是水鄉仙箬笠充
圖畫烟波入歲年秧針無數插白水盡歸田
次首寫入越中之景娟然

秀靜

亭午

亭午炎光熾荒城忽自陰小池先受雨焦土不成淋漸覺雲

衣薄徐知日御沈晚來霞色上杳晦渺難尋

修雨倏晴寫得變動

雪中簡左翼形

節物常趨晦霏霏宴景時六華驚歲晚孤萼與人期春藹從
今兆冬榮此日滋但忘遲暮慨觴酌好相催
色調生新

湘鄉蚤發

曉黑多江雨移時野霧重岸平知嶂遠水濶識灘鬆風仄留
人慢波寬落葉從今朝明昧裏遙地辨山峯
寫湘雨迷離無盡是一幅

圖畫

荆州懷古

荆州古戰地南部獨稱雄西控秦關馬東連吳會舸墳墟驅
怪石沙衍闢龍從拔郢留灰黑誰誇白起功
○筆○力○矯○矯○

至口底遊堯廟
薊門此地覓堯封更向空山拜廟容萬古勲華遺落構中天
光被只孤松初封斯處先瞻日誕育當年是夢龍殿楫只嫌
仍朴陋茅茨髣髴一相逢
是堯廟詩借用不得

歲晚漫作

僻居五度雪來時一片羈心祇獨知歲暮却同人易老花飛
常與客俱遲長安曙景疑先到十載風光悔欲追零落棲遲
空被酒緩歌長短不勝悲

漫咏東張瑤倉

騷人不棹五湖舟試眺曾無王粲樓九問天高多莫應七哀
人遠少真憂越吟莊鳥元因病蠻語參軍不自由楚梅吳檣

知見否山陰亭畔幾清秋
全是少陵風味

靖州約黃天柱胡學博登五老峰不果

五老翻然擁郡城劫塵千遍自長生形同獻洛神疑在數類
群宗嶽不成疊嶂東驅開邵桂層巒西去入蠻僮山川雲物
多堪憶忍負蒼梧禹穴名
筆力開大

至漢口登晴川閣黃鶴樓有作

武漢崇墉峙大江晴川黃鶴不相降兩樓並立爭天地二堞
平開壓上邦日照碧潯斜蕩漿月臨佳樹遠歸窓巍然形勝
真無敵才盡騷人賦未雙
形容壯盛固足張楚

立秋

長沙岸圻連吳海萬里江天接素秋獨有湘江頭上客思情

勝過尾江頭

非淡于情者不解此詩之妙

答楊德公見寄聽鵲之作

朦朧澹月掛春蘿的歷閒塔雨未過最是蠻方聞夜叫偏從鄉井逐來多

杜鵑花落杜鵑啼花鳥經春事可稽兩樣關心君不見滿山紅謝到前溪

伴說得妙詩心亦為搖宕

九江阻風夜令數童歌曲有懷江州故事

潯陽渡口石尤風唱徹吳歛月正朦司馬青衫休更濕客船人醉大江東

意與殊自浩浩落似于瞻江舟聞遂時

李呈祥

吉津山東霑化人曲江唐城二稿

秋杪舟泊邵埭晤杜子濂感賦

天外誰留不死身眼前驚見夢中人故園禾黍秋無恙絕塞

水霜舊有鄰淚到魚龍初感激書傳鴻雁幾酸辛柴車每憶

長安道嘔血排雲動鬼神

公初從塞外赦歸故言之沈痛如此

蕪城秋懷

濠穿鐵鏃石樓平萬馬投鞭此鬪爭紫極晨飛諸道檄黑雲

書壓廣陵城沿江節鉞誰雄鎮橫海樓船自鼠兵搔首西風

搖落甚可憐皂帽老書生

登洛陽殿上平乘樓無能有此騷激

琉璃貯火冷禪宮太子琅函蔓草中指畫江淮三楚舊銷沈

陵墓六朝空汲來井液晨雲白望斷林花晚照紅千載風流

人不見平山堂上兩文忠

懷古情深涉筆便見

恒嶽恭紀

萬國羣瞻泰岱崇。恒山列峙秩還同。辰居星拱參元化。黍谷春含殿歲功。柴望儀先三代設。莊嚴氣共五臺通。莫言逋客無仙骨。一石曾飛鎮紫宮。

蒼穆有體

水竇崖

濟源祠在北城隈。雪徑崎嶇掃未開。水轉潺湲穿竇出。巖深蒼翠鑿空來。芒鞋直踏層冰滑。清嘯虛傳衆壑哀。舊有危亭堪一眺。夕陽遙帶太行迴。

峻峭深刻詩中帶有邊塞氣

杜濼 于濼滑村山東濱州人

虎林卽事

西陵春色接江皋。振袖常思掣巨鼇。岳墓風雲雙涕淚。孤山梅鶴一綈袍。空餘楓麓眠騃馱。無復葑田對桔槔。我亦湖頭

高警

成吏隱留賓會記採溪毛

胸次真靜遇山水間俱不草草放過

括蒼杯渡菴

小微山下懶雲窩。領畧羣峰勢逶迤。絕壁粘空生秘藥。清流梯派種嘉禾。南屏似髻垂金鷲。東溜如鞭走石鼉。聞道往還

四○語○摹○景○光○宋○魂○異○

仙子駕天風。何日下笙歌。

此詩可謂沈鍊

李國璉 連城陝西韓城人

晨起遊寺

颯颯晨炊冷。扶筇小澗西。荒園忘露濕。古寺看雲低。清旭臨河動。荒烟隔岸迷。老夫憐典短。花鳥自評題。

處處做晨起二字

虎峪寺

翠擁長林外。青陰鳥道斜。好山朝梵閣。遠客叩禪家。鶴徑穿

妙○句○

雲路繩床臥月華。龕僧咒石處。蘭若望中賒。

勻貼更出警句

林

遠樹挂芳暉。淡篁坐翠微。重陰迷鳥道。暗葉冷人衣。漫說茅廬靜。欣從輞水歸。垂鞭連草色。落日倚寒扉。

幽蒼

魚

浦澈帶斜暉。霜清曙色微。涓濱曾擁霧。禹穴可噴衣。柳岸吹波去。蘆堤換酒歸。江天明月滿。曾照富春扉。

遊龍門

武帝旌旗倚殿崇。夏王宮闕此山中。龍門柱峭堯天轉。碣石雲開舜日紅。岸渚遊鱗頻鼓浪。蘆灘沙鳥自翻風。邨堪遺廟連衰草。惟有陰森古栢籠。

弘敞高麗如以寒庚出

太史祠

臺殿峻嶒望裏開。無邊春色傷人迴。林臯鶯囀詩頻到。石砌雲飛客自來。夾岸天桃通小徑。懸崖古栢隱荒臺。明霞倒影情偏劇。坐對黃河酒數杯。

次首有西連梁夾雲中起東帶黃河天上來之句亦雄麗

南岡秋霽

雲開翠嶺接天清。浦澈迎涼亂水明。敗葉紛披風嫋嫋。秋蟬寂歷露盈盈。秌坡靜拂陰霾色。花塢晴飛翠杪聲。何處吹來霜雁色。玉關萬里帛書情。

貼發處更饒秀警

雨後齋飲次韻

翠削芙蓉帶遠暉。初晴碧落暮烟微。帘垂柳陌頻耽酒。風綻花畦任拂衣。曲洞蘿開雲欲憇。溪林日霽鳥爭歸。吟魂寂寞

憑誰寄水繞村橋竹繞扉

詞滿而不傷氣只是意到

雨霽

霽色天開坐石盤披襟亭下興漫漫雲收秀壁花偏艷月落空廊酒未闌石室長眠青簟穩松風吹送紫芝餐幽中信是完名地笑指烟霞獨倚欄

石隱風味寫得沈酣

和定光上人韻

巖畔溪聲林畔花曾經蘭若蕊仙車玉繩遙映曇光轉珠火微明寶蓋遮閣道烟飛迷綠樹洞門春暖帶青霞圖中三笑吟偏好白草山堂自一家

莊嚴富麗沈宋之遺

李化麟

澹河陝西韓城人

登龍鳳山

遠上龍山頂空濛接太清松寒疑雨至嶺湧似潮行翠靄回看合黃流入望平仙人如可遇日月老柯坪

琢句以險而得工

題碧雲寺

勝地迴岡合峻嶒祇院開龍湫升海日花雨散天台石磴雲封樹巖扉月照苔頓教諸品淨身世到蓬萊

唐人禪院每多勝作此能

與之頡頏

九日盧溝大風

馬渡渾河擁黑裘不堪野霧滿盧溝紅飄柿葉催秋盡綠繞楊堤黯客愁幾處漁人歸別浦一行旅雁入邊樓相逢短髮頻相咲辜負東籬舊酒儔

風景指次如畫而妍潤可喜

李景麟

星河陝西韓城人

泰安驛館東諸年丈

春盡猶為客泰安，○發端、容、雅 駟駐車雨餘山積翠。○名、句 風定樹明霞下榻，○ 稱賢主論交指舊家。相逢應不偶，馬上咏皇華。氣韻殊好

登泰山

未到先知此嶽尊，○何、等、形、容 一筇今始問真源。日光搖蕩宵纔半，海氣蒼茫晝欲昏。獨對白雲懷漢武，遙看匹練指吳門。古今形勝親探遍，坐憇青青幾樹根。孫豹人曰：精神四飛揚，如出天地間。詩有此境。

贈劉孟孚年丈補高唐守

褰帷出守古諸侯，五馬雙幡列上頭。自是民生昭郡牧，故令才子又方州。隨車雨潤聊城路，臥閣花生大陸秋。盼子佇看聲績異，還宜飛蓋接應劉。有佩玉鳴珂之度，固是應制體裁。

寄賈聚五世兄

欲採芙蓉寄遠思，每因玄度憶臯比。啣杯未話燕山月，擊筑曾吟易水詩。寥落師門空立雪，殷勤吾黨好吹篴。長沙前席知非遠，絳灌于今異舊時。○事、經、化 情意款篤，結更有味。

維揚春日郊遊

春城花滿燕初還，携手尋芳物外閒。一水波光溢似玉，千株烟色翠疑山。停車人愛青簾幕，隔代香銷綠鬢鬟。勝地風光看不盡，十年烽火斷邗關。○結、更、蒼、老 緝麗而清思不減，當屬晚唐高手。

九日宿蘆浦志感

戴星捧檄向南征，滿目凋殘倍慘情。顏舍千村炊火斷，黑雲萬竈水蛙鳴。霜飛愁見烏棲處，月落驚聞猿嘯聲。自媿繪圖

輸鄭俠還期劫盡奏昇平 軫念時艱言之悽惻 又何必監門之圖

冒 襄 辟疆巢民江南如皋人 水繪庵詩存

立秋前六日負疴同梅岑上人及諸子小集水繪庵時

小三吾新修初成即席各賦

○極○會○解○脫○今日病不出恒懼明朝添何如強起遊曠覽清秋天喜值支
公來聞聲久纏綿出世入世心悶肆不礙禪舊遊二子夙
愜頻往還荒塗惜水繪孤墟訪生烟近乃櫻莽風峭舊推清
堅緬昔禮衡嶽極慕元結賢手勒三吾銘歸來成小鐫亭臺
與迴溪臨摹亦既全豈知山水情不永二十年見輩俗累盡
惡傷徒屯適昨復不量力貫貸濟幽潛○一○幅○荆○關○妙○染○水深還抱石樹禿仍
倚檐凭高送秋目拭雨洗塵纖浩蕩天水姿變候几席前登

頓忘小欲與君飲日眠此日當千春霞想凌飛仙 起結皆 有法度

結得佳○見手法之精○ 中間點綴一二雋語如六朝 人之評論山水足令會心

寒夜聽白三彈琵琶歌

○發○海○景○妙○兩月詩酒無不為晨昏放浪窮端倪描畫雪月罄毫髮撫摩
鐘鼎通精微雜沓上客成風約許陳譚黃來何遲昨日陳君
傳語至白生琵琶絕愚智非爾空堂響不張大集諸君謀一
醉主人是日值清齋張燈置酒忙安排窺烟異鳥棲紅沼隔
霧紛葩墮紫釵燈出文心寫生手化人幻巧通蝌蚪五狼枕
海廻紫濤乃有奇技如二友 謂凌友製包燈 白三彈琵琶也那知陳白去他
席諸君恹恹增不憚茶聲騰沸松風翻滿堂燈酒徒促刺主
人大叫非吾心七十日來稱朱琴豈有此會阻高深着屐衝

寒愜所尋闖然一聲塞斗室小飲數人靜如漆交加驩咲步
與來神到筆如風雨
 語繁頓令四座無容膝白生嬾慢真清狂諸君且坐盡一觴
 我彈琵琶本無方上窮寥廓下蒼茫朱阮久杳段師失北宋
妙絕
 忽雷難再得只有陳隋遺恨聲千年宛轉纏宵臆我今為彈
 聲瑟瑟譜入詩文成絕筆細如幽蘭微一咲烟視媚行銷眾
 妙猛如鐵甲攢大羽萬馬迸落到大燾戛銅聲閉假龍吟拉
 木風號真虎嘯忽然玉碎與珠拋緩散播逸不自料我耳君
 手無消息霜天古木孤鴻叫白生此技誠難名陳隋亡國皆
 文人頓挫瀏離得至性幽抑怨斷傳深情我輩飄零悲本地
 流連傾倒盈心泪不須憫首濕青衫只覺低迴傷舊事我有
收處不即離却與起處相照
 萬感付琵琶我有長歌手入义一滴不飲只謀酒平性妍寒

無其家且嚼冰雪酬歲暮明年浪跡遊天涯
是冬僕遊維泉寓洗鉢池

上憶作是題長歌漏已三下矣大雪迷漫林巒池閣不盡而巢民急遣銀鹿來蕭寺索予新詩是夜巢民不寐重命侍兒焚香煮茗圍爐而和鄙什其詩離合詳畧起伏頓挫備極神工拙構固遠不逮也

秋夜同龔芝麓大憲集紫落山房

多少南朝事樓頭幕府山在容脫帽坐醉擬射鵬還燈火秋
 偏盛英雄老畏閒翩翩徐孝穆宮體贈紅顏
時芝麓先生即席贈歌兒集句

全首高壯盡芟卑靡之氣

懷陳其年

前月揚州信聞君歸毫村蕭騷任行李浩蕩返家門
 頻輓德妻愁不言高樓湖海上手把自詩翻
其年行徑一筆寫出固知

已之言

追憶趙友沂

憶在元規坐交權趙倚樓酒狂能跳盪詩瘦更風流賦鵬嗟
何遽騎箕恨莫留烏衣門第在每過只低頭
末二句令人驚心刺骨

懷紀伯紫

紀老詩名健飄零氣更遒五言追栗里八口住真州世已歌
衰鳳公偏愛海鷗朱門蓬戶似踪跡泥羊求
前是贈贛叟詩他人借去

不得

九日先約諸子懸雷山登高雨阻敝廬有作

兵○訂○登○高○懸○雷○北○連○綿○夜○雨○到○如○今○陰○晴○變○態○元○無○定○九○十○
秋○光○未○可○尋○把○酒○一○庭○難○訪○菊○論○詩○水○日○欲○張○琴○更○闌○齊○唱○
梁州曲蕭颯風高滿竹林
此等蒼樸老健之詩真足挽回風氣

寄吳梅村先生

當年盟會及江黃鞭弭曾經事末行四海珠盤紛絡繹三吳
玉勒映輝光故人裘馬麒麟閣愁容鸞花翰墨場壯不如人
臣自愧美公簪筆賦長楊

鹽官留滯歎蹉跎遺老飄零事若何萬里烽烟橫白雁五都
荆棘沒銅駝遙瞻吳苑鄉關隔近接邗江涕淚多聞道子山
消息在白頭紅豆只悲歌
末二句道着梅村心事

水繪庵送方謙六之燕喜坦菴年伯全家入關

茅堂兩月共悲歌送子辭家意若何萬里窮邊迎白髮五更
獨客走黃河長途斥堠烽烟盛逼歲資裝雨雪多自是天涯
懸老眼揚鞭速去莫蹉跎
恰有此等情事湊着巢民好詩

顧子兼重來過訪書贈

三十年前過半塘。艤舟宅畔共徜徉。珠槃畫擁文壇酒。錦瑟宵焚秘閣香。老我愁深裏昔夢。逢君病起挾秋霜。蓬蒿細話前朝事。海內何人厭老狂。
○渾○然○ 虎阜秦淮為風流窟宅。今垂老江鄉突遇四十年前置酒徵歌之故人。能無三歎。

題美人畫冊應阮亭使君

半掩香閨靜不譁。一枝瘦影只橫斜。凝眸忽漫關情思。生小禍兒睡落花。拂地垂楊黛色凝。瑣窗春思溼紅冰。水流鶯兩兩空言語。小著羅衣總不勝。
○靜○娟○ 傳神都在意外。

與陳其年諸君觀劇作

最無消息是清音。竹肉喧闐未易尋。唱到情來生意思。一絲裊裊碧雲心。
○此○句○最○深○于○曲○理○

贈柳敬亭

也是高陽一酒徒。欽崙歷落老黔奴。青燈白髮江湖裏。常夢當年舊狗屠。憶昔孤軍鄂渚秋。武昌城外戰雲愁。如今衰白誰相問。獨對西風哭故侯。
借敬亭寫出胸中無限感慨令人搖搖不能自主

小秦淮曲

複道迴廊畫檻多。菱花牕子貼香羅。朱樓倚晚開三面。五色琉璃射綠波。艇子銀燈唱入城。船中樓上光縱橫。湘文不捲人斜對。中有

鸚哥語未成 安得置身其間

澹烟絲柳眉橫塘明月清秋讀謝莊夾岸哀箏橫笛外誰家

小立怨昏黃 寫入閨怨可謂情長

王廣心 伊人農山江南松江人

冬至

長安客舍傷靈臺宿霧寒雲節序催印惜朝衣緣病捲誰憐

官燭向愁開東堂宦興銷殘雪南國鄉心散早梅不是陽回

倍惆悵春風曾見十年來 如此詩可謂之穠纖合度

顧大申 震雉見山江南華亭人

疇昔篇贈黃子 大中丞黃公如千仲子也

嗚呼西日不復迴操戈割據如奔雷玉衣宵舉歌鐘徙震澤

樓船沸地起東道諸侯盡解兵推誠獨有黃中丞疇昔移來

浦南走中丞下帳欲攜手降旗書捲海東雲戰鼓遙沉白門

柳黃門義旅翻淞江綺衣誓衆酬天王中丞夜半歌清商躍

馬何殊張子房八月橫秋水急長弓大劍闌江入萬曆延

燒火鳥飛孤軍轉戰馮夷立是時存鼓猶親操勢窮力竭從

波濤爾之兄弟不及此天為忠孝存鴻毛十五年前事如掌

江草江花徧丘壤愛子東歸夜雨霏銀濤白馬空來往拊今

追昔淚霑衣萬里河山化劫灰可憐盡棟珠簾在不見春來

燕子歸 前幅極力揚厲中丞末段贈黃子較有身分此善于制局處

雪後登歌風臺

一劍收秦鹿秋風萬里心悲歌誰掩泣壯士已成禽井邑新

豐舊龍蛇大澤深殘碑埋野戍雪後此登臨

老
極高

春渡淮陰張考功鞠存招飲夜話

南來馬首憶分離錦樹秋雲起夢思滿目風波深閱歷故鄉

尊酒重淒其三年愁絕張衡賦一飯春寒漂母祠雁影參差

江海濶夜闌燈火坐移時風調神情皆擅江左之秀

贈紀伯紫入閩

短褐科頭故國遺五言新體舊京詩多情愁對青谿柳老向

南荒擘荔枝氣味濃厚且饒風韻

柯聳素培岸初浙江嘉善人

復漢光武廟祀城南三十里為白水村漢世祖發跡于此

漢火方炎鼎忽傾幸逢真主應圖生赤符伏處開龍塚白水

流來擁鳳城當日雲臺將玉佩祇今畫壁拂霓旌春秋俎豆

長新地父老猶傳長厚聲爾雅不佻是前輩風味

西谿小築

卜居西郭半村中幾曲清谿一棹通度壑鐘聲蕭寺外穿林

塔影小樓東樹因初植偏宜雨竹自新移却畏風倦起偶來

松下坐農歌處處屬年豐和藹之氣迴翔楮墨

采蓮曲

太液池分碧澗開榜人何事弄波來恐驚舟畔羅裙女棹入

淡谿不肯回說得有清

許珽天玉鐵堂福建侯官人

王貽上招同來鶴樓觀釣笑泉

仙人橋上鶴來無。閒對方平白玉壺。身落星濤浮筏壯。手捫雲壁嚼藤枯。霸陵石馬依荒戍。王屋金烏起凍湖。我欲騎鯨問明月。碧簫吹徹嶽形孤。

靈水琅玕飲竹光。銀濤七十二。鴛鴦不知漢壁朝。河伯何處

秦珠貢海王。鰲背三山星樹煖。牛頭千佛雨花涼。檐端霽壑

澄如練。衆岫亭亭画夕陽。山水詩易于清遠難于典麗。如玉獨為鏗鏘震動之音。

嚴曾架 方貽柱峰浙江餘杭人

趙友沂席上和韻贈紀伯紫

裘馬逢君郭隗臺。經冬木葉帶霜摧。天清雁向城頭過。日落

人從江上來。十載梁園推作賦。一時河朔共啣杯。新詩座客

多相和。歌罷春生笛裏梅。和柔澹雅自是正則

曹鼎望 冠五澹齋直隸豐潤人 楚遊新安二集

何太守道岑宋別駕牧仲招遊赤壁

丙午歲之冬。仲月朔入日。舟發漢川口。瞬息黃岡即江天。雨

零零霧重山。形失澎湃湧。波濤撲面寒風栗。冒雨步江干。樞

衣躡山壁。太守自風流。別駕復超軼。秉燭意何長。笙歌速香

餽噫嘻。五侯七貴何其富。轉眼樓臺穴狐兔。阿房銅雀何其

雄。燐燐鬼火泣。西風何如此。赤壁千秋恆翠嶽。詩賦護殘碑。

遺像儼石室。斯地與斯人。豈隨煙草畢。前幅叙次風景如 画未幅淋漓慨歎

殊有名 士風流

雪中懷金天駟年兄

北風何其涼。一夜江天雪。江水自長流。山容增皎潔。回首武

言者不集
昌城雲深空沒滅望望九江口故人久離別曾無尺素書只此寸心結何時開樽酒空堂霏玉屑

筆意皎潔

石照山

曉出玉郭門渡溪復越嶺茂樹欲參天盛夏翻清冷幽壑隱禪關隔斷塵千頃側見古亭邊石照傳奇景翠峯危以特壁光闔而炳詎止鑑鬚眉羅列山河影惟空故生明惟靜乃能永昏昏行役者胡不發深省

石照二字不刻畫而意已盡與俗手迥別

登齊雲巖和顧九疇先生韻

積雪欣初霽登高信有緣雲飛象眼路松蔭虎蹄泉五老青天外三姑落日邊潛心尋道侶何日許修仙

春容大雅惟陳拾遺有此

冬夜雜興

無計慰哀鴻寒威處處同暫收連夜雪仍落半天風凍鳥攢江樹烟蓑隱釣翁白雲清署裏圍看一爐紅

滌齋為郎署時須留心民

糞如此而詩更秀雅合格

喜雨

詎止溝塍滿溪塘已亂流人稱千里旱地獨屢年收鶴鹿園書案風雲上画樓挑燈聽夜漏不覺氣成秋

昔人以青山綠水中作二

千石為韵事讀使君作令人想見風流

登靈金頂

不妨山路險取次入雲峯院覆干霄竹巖垂掛壁松遠峯圍峭閣高寺隱洪鐘讀碣思先正莓苔未敢封

圖德之中特標神韻

隋翊公朱玉招飲識舟亭即席分賦

江上樓臺入畫圖。林巒深處一亭孤。當牕帆影看看近，隔岸漁歌漸漸無。古木參差紅葉亂，寒烟澹蕩白雲俱。故人有酒能留客，衆醉何須獨醒吾。

舟泊九江遇韓少府桐菴赴任汀州賦此贈別

七閩人士識荊州。此去應知著大猷。乘興共尋陶令宅，開樽獨上謝公樓。有心到處關民社，無意逢君醉客舟。一曲驪歌江上發，潯陽烟樹繫人愁。

似高常侍送李宋少府之作

斗山亭同人夜集

樽前一嘯晚烟空。王謝風流定屬公。人擬琴星六水上，亭欄山影半天中。紫簫吹處襟懷濶，青眼開時意氣同。潦倒不辭今夜醉，舉頭明月在高桐。

不屑屑求工巧却與象都足只是氣厚

四宜亭

院封城外大江流。浪走波迴撼戍樓。山寺鐘聲分曉暮，孤亭木葉識春秋。錦帆不傍沙洲住，仙客多從勝地遊。最是新晴明月下，天光水色座中秋。

氣爽格高不屑落中晚一字

過沙溪訪呂真人遺像

留得真儀壁上栖。久傳仙跡尚沙溪。秋風歲歲移邊雁，春水年年沒柳堤。晉魏才名烟蕩蕩，宋元宮闕草萋萋。至今惟見幽人舍，丹井龍文表舊題。

襟期磊落下筆有橫脫千載之槩

黃州雨泊

濤湧千層雪。江飛萬縷烟。雨餘山欲暗，赤壁夜停船。

風景宛然

雪舟

流水未成水晶光，只一片微聞欸乃聲。簑笠人，不見。

比柳

登齊山

山城水國不相違，樵子漁郎換酒歸。聞說風流郭太守，高亭揖客送清暉。

詩亦風流相賞

落石亭

亂山叢裏一亭閒，靜數漁舟自往還。忽見灘頭瀉瀉鳥，雙雙

飛過画堂間。漸近自然

碎月灘灘名甚佳

李白當年舊酒樓，至今遺蹟大橋頭。溪中碎月流千古，樓上詩翁何處遊。興懷不淺

劉佑孟平雲麓直隸曲周人尋遠樓詩

香山寺

十載香山夢扶筇，今始來路行飛鳥。上人臥白雲隈地，僻軍笳遠鐘鳴佛殿開。此間曾駐蹕，翠色滿高臺。不用鈎疎自有淡永之趣

重遊九峰寺

再過九峰寺，山情若更親。蒼烟浮遠岫，高岸緩行人。碑老前朝氣，楓明夕照身。晨鐘催客夢，僕僕又紅塵。蒼蒼差可語

登叢臺

突兀荒岡徧艸萊，行人猶為武靈哀。金輿翠輦歸何處，山色河聲依舊來。龍戰幾年驚趙壁，馬嘶此日繞叢臺。休悲探穀沙丘事，挾瑟憑高醉不回。有傑邁之氣不覺其詞旨哀涼

清泉寺

傳聞荒利自唐來，疎磬殘碑幾劫灰。閒過綠楊隨短杖，為尋墨沼破蒼苔。遠峰疊翠村村變，小艇衝烟岸岸開。古跡喜君能指點，山僧野老漫相猜。
悠靜舒徐 風度可掬

過九峰寺贈原直禪師

飛錫何年駐九峰，半空樓閣影重重。橋邊雷響千巖瀑，檻外雲埋萬壑松。苔蝕穹碑殘御字，山懸寶目見真容。
禮開山始祖無念禪師 遠公許入東林社願學陶潛究五宗 純用厚力覺 字字淡老

宮家壁 百朋奉天遼陽人

乾溪何處是倚洞，見孤村滴乳成簾幕。空青聳壁門，群峯昂

有勢一水過無痕，不信神龍隱頽然。此地存

平溪衛

平溪溪未平，永夜吼灘聲。喬木危風振，青天急雨鳴。旅人難就夢，棲鳥易成驚。獨有東歸者，安流一葦輕。
二詩全首 俱極安閒

稽永仁 留山江南無錫人

湖上風滿樓，東鹵均花事。經春雨氣多，淹淹雙屐畏。青莎何緣得放，湖邊艇日聽紅兒幾度歌。
此福恐 難消受

許承宣 力臣江南江都人 猶影亭稿

送申周伯之楚

春盡清江上，孤舟兒女心。離家從遠道，入幕動哀吟。路傍沉

湘險情連峽水淡悽涼丹井畔無事且幽尋時有喪女之戚

擬杜曲王將軍宅夜聽歌

朱戶吟初徹青尊興更繁不堪金甲地還有玉人存笛奏啼猿歇衣翅宿鷺翻誰知驃騎宅歌舞是君恩獨有諷切

喜劉玉少至自晉中

春盡江城客到時恰逢高會起南皮鄉關此夕人如舊風雨經年榻未移燕市啼鶯三殿艸太行歸馬一囊詩最憐吾黨頻離合矯首銅鞮淚幾垂風情大是峻朗

七夕禪智寺送王阮亭先生

上方高會唱驪時玉笛橫吹繫夢思秋至再逢離別宴前與諸子會餞別月明重洗送行碑寺有蘇長公石刻松林寂寞僧歸晚河漢紅橋

蒼茫客去遲回首竹西官閣裏莠苔爭護使君詩每見送行詩官

階德政刺刺不休如此清俊之作自屬罕邁

文選樓送張與三還江寧兼懷孟新聞公諸子

古寺逢君汗漫遊擁書蕭統舊時樓十年姓字留青眼一夕樽罍數白頭作客風霜邗水渡還家烟雨石城秋離亭却憶烏衣伴南北蕭蕭共蒯緱意極蕭涼而出之婉秀故不覺

東園送湯天若返金沙兼柬東長魯子友諸子

東園握手繞蒹葭一曲離歌向酒家寒月簫聲連綺陌霜風荻岸又天涯梅花香裏歸帆急桂樹叢邊客夢賒寥落故人書信斷誰憐鬢髮老泥沙力臣詩獨以溫雅擅場時覺芬馨滿袖

平山春望

詩見初集 卷之四 七十一 慎墨堂篋

隋家宮闕倚雲看。遙惜芳菲碧水湍。野綠新抽天乍暝。春紅
半落雨初乾。一亭鐘冷空山夢。二月鶯啼故苑寒。還憶昔時
誇戰鬪。江城吹角夕陽殘。
有芳菲柔
曼之致

許承家 師六江南江都人
獵微閣詩稿

送吳茵次守吳興

君去五湖表。湖水淡且清。碧瀾故滌酒。官閣迥風塵。太守紫
微郎。千載繼樊川。
叶 治化日以洽。驅車恣幽尋。幽尋渺難極。
春陰浮白蘋。

憶昔六子會。相厲比金石。表異忘所求。蘊真良自適。探索及
天人。展轉惜羽翮。悠悠二十年。惟君肆鵬擊。高謝承明廬。五
馬紛綺陌。酌酒窪樽旁。題詩峴山壁。政成多暇豫。風流映今

昔亦念平生。親相思魂夢覩。

菰城佳勝區。景物難與儔。百川連阡陌。况復兵甲休。獄訟起
何時。煩劇良有由。不見雀鼠爭。寧為稻梁謀。賢守駕言邁。聲
施冠諸侯。解絃會有期。春鳥喧芳洲。努力慰知己。還紆黃屋
憂。
語多規勸不失古人贈行之體。
三詩風旨簡峻正得晉魏遺意。

歸舟泊荻港

余昔泊舟荻港。驛婦子倚閭相望。泣今從江上去。復來婦子
拍掌笑如雷。一泣一笑何為者。情從中來不可已。初聞將軍
更番稠。後聞艨艟戰鼓休。嗚呼婦子啼笑關軍國。行人傾耳
三太息。安得長收悉輿情。一洗民間愁與疾。
寂寥短章
旨趣自別

廣陵懷古

漢室藩封貴江都相廣川黃雲遮第宅朱邸老才賢但有膠
西怨誰憐博士擅門前結得樓緊雙井在嗚咽動寒蟬

平山通蜀脉戎火逼孤亭艸樹千峰暗乾坤妙一帶青人烟浮
雉堞角鼓罷滄溟無復南徐恨江雲下戶庭

蒼烟迷古刹禪智俯平岡殿閣連天巨隋唐說法長斷碑躡
虎豹落日下牛羊欲共袈裟語殘僧盡渺茫

廣陵征戰地都督護諸軍甲仗連山閣旌旗蔽海雲淮南消
伏莽建武自奇勳白馬塘西後寥寥千載聞

健

說古事即帶今情筆力最

送申又伯還西安

長安千里隔歸路擁車塵帶礪看三輔烽烟仗一身還家經

歲客旅食渡河人何事征途急高堂有老親

氣韻識力俱逼盛唐

巳亥夏秋雜咏

羽書江上急赤脚走城東萬騎邊沙黑千帆落日紅乾坤新
轉戰身世老飛蓬孰是雞棲地長歌向朔風

氣味沈鬱

避地干戈際孤村夜月中陣雲沙艸隔寒笛戍樓空搖落江
邊柳棲遲澤畔鴻市朝如可到還作鹿皮翁

秋原深處宿蕭瑟不堪聞半畝樵蘇老一溝天地分風烟迷
白晝禾黍暗層雲踪跡無人問應隨麋鹿群

暝色連荒野三秋不肯明黃雲低燕雀白日暗戎兵親老寒
烟路兒啼積雨聲羈愁還自慰宿衛巳南征

獨立溪邊屋陰風古木殘烟分百里道水落數家灘斜日江

楓赤當階蟋蟀寒囊空還浪跡淡覺布袍單

數首皆雄渾老健得少陵

之至

留別徐雨蒼

歲暮還家路吳陵百里舟離情天際遠哀怨故鄉留風湧檣
淡○處○極○老○

留別宗鶴問

與君隣近地淡巷擁書眠一自聞鏡吹三秋隔曉天青山羈
客夢白日故人憐南北還岐路春風信馬鞭來春鶴問大

一派格調非不高敞然只是應付矯之者又趨而之竟陵吾党苦以大力挽之故頡頏古人而性情復能矯出

過東西二梁山

中流開絕壁巨石鎖乾坤龍虎風威動江湖戰氣屯兩崖關

地軸千古說天門

梁山即天門山誰失東南險登臨欲斷魂

子美白帝

城樓詩有

送徐牧卿歸西江

年老還家客江邊溯急湍峰青颿影亂頭白櫓聲寒北海樽
仍在西窓夢已殘五年初賦別雪岸路漫漫
頭白櫓聲寒一語撐起全

篇

送雉臯劉遠思之河南

隻身衝雪路百戰舊鴻溝楚漢驚人眼關河帶客愁離家思
射雉饗士看椎牛可惜侯嬴逝夷門黯白頭
謂侯雉情傑

傲現中原

集仙洞

仙子來何處。居然號集仙。行踪如有見。鬚髮一為傳。峽雨巖
○奇○聲○邊落江峰。洞口懸。定知飛錫地。不許路人眠。
從容合節更
能矯厲出羣

贈龔芝麓先生使粵還朝

棲遲吾道屬艱難。海嶠風塵信羽翰。瘴雨斜侵天子節。夕陽
○幽○而○能○止○

孤照使臣鞍。千盤猿洞離家遠。一杖蠻烟報國寒。捧詔歸來

渾錯落玉勾明月共君看

如此詩可謂之
緣情而綺靡

避亂海陵喜晤鄧孝威

荒草寒雲野外身。携來書劍總烽塵。少年川嶽經時改。良友

鬚眉亂後真。荆棘路旁雙逆旅。貔貅隊裏一詩人。隋隄蕭管

今銷歇。擬向羅浮學隱淪

烽烟滿地偏有此等好詩可知
天寶亂離只便宜杜陵野老耳

得談青令侯官書却寄

尺書迢遞渡江雲。戎馬郊原却憶君。烏石漫成飛輓道。鰲峰
○得○有○力○不斷羽林軍。千村露冷家園隔。十載霜寒客夢分。何日故人
誰切又
風華榕樹裏。風清鼙鼓散狸羣。

池陽喜晤顧莪在宋御之史耳翁于章雲諸子

春風携手玉河頭。八月江邊復此遊。守世行藏多作客。片帆

南北屬悲秋。不堪砧杵驚鄉夢。最愛雲山壓戍樓。一望空青

橫嶺斷。幾時登眺解離愁

風格
最好

登北固凌烟亭

憑臨千仞俯平沙。極目蒼烟帶晚霞。絕岸風威來虎豹。空江

日落走龍蛇。乾坤望斷汀洲路。南北人隨星漢槎。回首昔時

梁殿閣。不堪日暮擁悲笳

聲如洪鐘
一空細響

阻風

危檣風雨荻蘆堆萬櫓喧喧匿水湄却有漁舸剛七尺披簑
拍浪打魚回
如見
其景

郊遊

極北烽烟鴈到稀誰從塞路識金微眼前壁壘孤城暗會擁
雕戈臥鐵衣
傑
甚

梅花居士約以明年梅放日薙髮入林賦贈

青蓮梵宇老禪身辜負明年二月春寄語梅花休蚤放白頭

聊作醉鄉人
語帶嘲
謔自妙

劉懋贇
質公僅三江南泰州人
雪村艸

金陵懷古

東吳疇昔誇鼎足霸風居然逼魏蜀旌壘赤壁草尚腥鏃鎖
荆門江可束龍驤飛入萬騎屯倏看降旗青蓋北太初宮殿
委塵埃六代禪爭生野哭野哭千年無代無陰憐青青戰骨
白興亾銷盡廢垣存垣邊豎牧驅黃犢
雍門之淚迸落楮
墨間固是有情種

江上夜泊

竟日風帆緩停橈木葉蒼葭連孤岸綠日落一江黃蛩歇人
烟雜魚腥水氣涼江風吹冷露浙瀝灑衣裳
色調
勻美

鍾山

荒原六代後弓劍更堪愁落日欹翁仲秋風賽蔣侯墓門狐
窳棘輦道艸成丘縱有冬青在年來幾樹留
悄然
情淡

訪康僧閣古蹟道遇觀上人引叅唐裝師塔遙望金陵

諸山

浩劫千灰內。熒然佛火紅。方看僧補衲。旋避客關弓。鏡鉢荒松裏。袈裟破塔中。還逢舊侶在。指點話江東。

起處岸傑

渡燕子磯

停車江店暮。落日隱征塵。估客喧爭渡。歸帆競泊津。一亭青對酒。雙鳥白隨人。信宿荒磯畔。涼風起白蘋。

自然雅秀

初春送客還京口

把臂纔三日。春風冉冉回。草依征壘發。梅傍驛樓開。鏡瓮浮潮出。芒鞋觸雪來。江南紛戰馬。君過肯徘徊。

選言務勝

從蕪城抵舍大雪

大雪江南北。嚴冬透敝衣。村荒烟火斷。簔冷釣船歸。野戍昏

雲疊長橋凍。柳圍夜闌還。起聽急響更。柴扉

秀

淡秋同張湛生賈禎生諸君遊水月庵

零落吾儕只短筇。故山風物奈愁何。斜陽帶雨浮鐘磬。幽寺無人黯薜蘿。雙淚老垂殘菊盡。一生興傷酒杯多。諸君不厭招提寂。佛閣禪林好嘯歌。

淹潤而不掩高氣

秋日集送友人歸吳門

每悵招朋願。屢乖還依叢。桂集虛齋幾年。嵇阮容青眼。一曲齊梁感舊懷。白苧多情調綽板。青山有信着芒鞋。片帆後夜瓜洲月。好載潮聲到館娃。

險韻行以天然且姿態流美

送曾庭聞歸江右子亦將遊白門

淮海風生葉委流。浸看霜色入雲浮。幾宵重響分僧榻。一路

潮聲滿驛樓，白髮新從秋雨劇。黃雲未向戰場收，君行如憶長干客。瀑布東迴見石頭。
姿制妍雅而出之疎朗

九日登西山

荒嶺秋烟接吹臺，那堪寥落酒人哀。天低戰壘征鴻過，地捲風沙獵騎回。武穆祠前松半臥，胡公壇畔菊還開。舊山指顧登臨處，唯有斜暉照艸萊。
浸淫于唐人之境

劉胤祚 永錫達菴江南泰州人

道中即事

遠山行未極，枕石不成眠。土屋留真氣，征途總亂烟。岸花閒自好，春草綠無邊。踈踏勞人意，長歌芳樹篇。
讀土屋留真氣之句能令人

人

喜張祖望過訪

此地無車馬，相過意獨真。高譚天下事，不棄主人貧。詞賦蒼髯老，文章白髮新。秋來有籬菊，把盞莫辭頻。
達菴官濟南與一時名流

如野鶴祖望心甫爾止駿男輩唱和極親此詩見一斑矣

送倪周初之吳郡

客路難為別，霜風促曉征。岱雲千樹合，吳月一帆輕。落雁予同遠，啼鳥君獨行。天涯知己在，好續歲寒盟。
蕭涼如對秋士

夜

夜去憑尊酒，鄉園託夢歸。殿深群魅嘯，人靜一燈微。浪濶湖難越，風高雁獨飛。平生幾行淚，孤枕自堪依。
險剗處頗似孟津

赴贛城

道途緣未盡。霜鬢復。度州帆。影雲山。沒灘聲。日夜流。浮名淹。歲月客。病憶林丘。塵外亭名東坡舊遊處。有詩刻石。饒詩思。凄然感昔遊。

詩極開適

道中述感

廿年飄泊困。風塵雪後看。山意轉親破。壁衝泥。憐廢宅。飛花帶雨促行人。時違我亦難。工瑟世遠空。傳欲避秦。共道長安冠蓋滿。奔馳不厭馬蹄頻。意欲取新却自渾成

陸景宣因訪其先人祠過豐陽卽席賦贈

四海投交把臂遲。十年前已入相思。蒹葭夢接西冷月。杯酒吟殘白苧詩。斷碣每傳前宰德。清風特畏後人知。慇懃不盡平原興。潦倒恩江忍別離。風調姍美

中秋夜泊滕王閣

帝子高樓倚水涯。凭欄雲樹雜蒹葭。人逢勝地詩難續。客以浮名鬢易華。秋半有懷飛蛺蝶。夜涼無酒醉蘆花。重來攬勝知何日。徙倚空江對月斜。秀色可餐

送張丹崖

不盡他鄉淚。相看白髮新。客中還送客。况是故鄉人。末句深一層

徐倬 方虎浙江德清人

湖上贈夏鹵均

青絲一騎出長安。明聖湖頭把釣竿。花柳坐催名士老。湖山約與酒人看。好憑酬唱東西屋。莫妬聲名大小冠。昨夜新詩

欺白雪雪兒歌罷不勝寒

手筆芳妍如
香橙碧藕

中藏稿

書